

# Ilinniagaqarnersiutit pillugit Namminersornerullutik Oqartussat nalunaarutaat

Ilinniagaqarnersiutit pillugit Inatsisartut peqqussutaanni nr. 5, 14. november 2004-meersumi § 2, imm. 2, § 4, imm. 3, § 11, § 27, imm. 4 aamma § 30, imm. 3 naapertorlugit, kiisalu ilinniagaqartut kattuffiannit manna sioqqullugu oqaaseqaaseqartitsereernikkut makku aalajangersarneqarput:

## Kapitali 1

### *Nassuiaatit*

**§ 1.** Ilinniagaqarnissamut piareersarluni ilinniartitaanerit tassaapput:

1) Ilinniagaqarnissamut piareersarluni ilinniartitaanerit meeqqat atuarfianni inaarutaasumik misilitsinnermit qaffasinnerusumik inissisimasut, tassunga ilaatinneqarlutik ilinniartitaanernut inuussutissarsiutinullu ilinniartitaanernut ingerlariaqqinnissamut sungiusaataasumillu ilinniartitaanerit immikkut ittut.

2) Ilinniarnertuunngorniarnertit, ilinnianertuunngorniarnertit pikkorissarnerit ilassutit, ilanngullugit Piareersarfinni ilinniartitaanerit ilinniagaqarnertit.

**§ 2.** Inuussutissarsiutinut tunngaviusumik ilinniartitaaneq tassaavoq nikerarfiusumik ilinniartitaaneq, ilinniarneq suliffimmi sungiusarfusooq ilinniarfimmilu aamma ingerlanneqartoq. Inuussutissarsiutinut tunngaviusumik ilinniartitaanermi ilinniagassaapput tunngaviusumik fagit, immikkoortumut sammisamut fagit, immikkut sammisassatut fagit kiisalu fagit pisariaqartikkaanni nammeneq qinigarisinnaasat, tunngavissaritillugu lærling´isut isumaqatigiissusiorsimanissaq imaluunniit ilinniarnissamut isumaqatigiissuteqarsimanissaq, tamatumani qinnuteqartoq ilinniarfimmi sungiusarluni sulisussatut tiguneqarsimappat, takuuk inuussutissarsiutinut ilinniartitaanerit aamma inuussutissarsiutinut ilinniartitaanermi pikkorissarnerit pillugit Inatsisartut peqqussutaanni § 2, imm. 1.

*Imm. 2.* Inuutissarsiutinut ilinniartitaanerit allat tassaapput ilinniartitaanerit inuussutissarsiutinut ilinniarfimmi atuagarsornikkut ilinniagaqarfunerusut. Ilinniarnerni taakkunani suliffimmi sivikinnerusumik sivissuseqartunik sungiusarnerit ilanngunneqarsinnaapput, takuuk inuussutissarsiutinik ilinniartitaaneq aamma inuussutissarsiutinik ilinniartitaanermi pikkorissarnerit pillugit Inatsisartut peqqussutaanni § 2, imm. 2.

*Imm. 3.* Marluimmik ilinniartitaanerit, ilinniarnertuunngorsimanermik assigisaanilluunniit tunngaveqartinneqartut inuussutissarsiutitigut tunngaviusumik ilinniartitaanerunngillat.

**§ 3.** Qaffasinnerusumik ilinniartitaaneq tassaavoq ilinniarnertuunngorniarnertimmi ilinniagaqarnermik, ilaanilluunniit imaluunniit inuussutissarsiutinut sammititamik ilinniartitaanermik angusisimanissamik piumasaqaatitaqartoq.

§ 4. Qiortartagaq tassaavoq ilinniagaqarnersiuteqarnissami qaammatit amerlanerpaaffissaatut killeqartillugu tapiissuteqarnermik aaqqissuusseriaaseq.

§ 5. Timersornermut immikkut piginnaanillit timersortartullu pikkorinnerpaat tassaapput ilinniagaqartut Team Grønlandimit aammalu timersuutitut kattuffinnit innersuussutaareerlutik Ilinniagaqarnersiuteqarnermut Naalakkersuisoqarfimmit timersornermut immikkut piginnaanilittut timersortartutullu pikkorinnerpaatut ilinniagaqartussatut akuerineqartut. Kalaallit Nunaanni Timersoqatigiit Kattuffiata timersuutit namminneq timersuutiminnut kattuffeqanngitsut sinniisuuffigisinnaavai.

§ 6. Iltersuisoq tassaavoq Kalaallit Nunaanni ilinniartitsisoq ilinniagaqarnermut aqutissiuussisartoq, faginik ilinniartitsisoq imaluunniit inuit allat taamaaqataanik iltersuinermik isumaginnittartut, imaluunniit ilinniartitaanermit Danmarkimi Kalaallit Illuutaasa ilaanni iltersuisartoq. Aammattaaq Ilinniagaqarnersiuteqarnermut Naalakkersuisoqarfik iltersuisartuusinnaavoq.

§ 7. Sumi najugaqarnermut uppersaateqarluni 18-inillu ukioqalereernermi inooqatigiinneq minnerpaamik ukiumik ataatsimik sivilisassuseqarsimasoq aappariinnertut naligitinneqarpoq.

§ 8. Ilaqutariit qaniginnerpaasat tassaapput nammineq qitornarisat, katissimallugu aapparisaq, angajoqqaat, qatanngutit aamma aataakkut aanaakkulluunniit.

## Kapitali 2

### *Tapiissuteqarnissamut piumasaqaatit*

#### *Aalajangersakkat ataatsimoorussat*

§ 9. Inunnut ilinniagaqarnersiuteqartitsisoqartarpoq piumasaqaatinik tamanut atuuttunik eqquutitsisunut, takukkit § 10, imm. 1 aamma 2, §§ 12-14, § 15, imm. 1-3, § 16, imm. 1, § 17, imm. 1 aamma 2, §§ 19-21, aamma §§ 23, 24 kiisalu ilinniakkanut ataasiakkaanut immikkut ittunik aalajangiunneqartunut piumasaqaateqarfusut, takukkit §§ 35, 40, imm. 2 aamma 3, §§ 42, 43, 44 aamma 45, taamaattoqli aamma takukkit § 10, imm. 3, § 11, § 15, imm. 4.

§ 10. Ilinniagaqartut ilinniagaqarnersiuteqarnissamut pisinnaatitaassagunik ilinniagaqarnersiuteqartitaanissamut paasissutissat pingaaruteqartut pillugit pissutsinik imminerminnut tunngasunik Ilinniagaqarnersiuteqarnermut Naalakkersuisoqarfimmut nalunaaruteqartassapput, kingusinnerusukkullu tamakkunani allannguutaasinnaasut Ilinniagaqarnersiuteqarnermut Naalakkersuisoqarfimmut erngerlutik nalunaarutigisassallugit, takuuk ilinniagaqarnersiutit pillugit Inatsisartut peqqussutaanni § 10.

*Imm. 2.* Tapiissuteqarnermut naliliinissamut paasissutissat atugassat, takuuk imm. 1, ilaatigut tassaasinnaapput ilinniagaqartut naalagaaffimmi innuttaanera, najugaqarfianik, ilaqutariinni inissisimaaffianik, qitornaanik, pisortat tapiissutaannik allanik pisartuuneranik, ilinniagaqarnermi akissarsiaqarneranik imaluunniit allatut ilinniagaqarnermi aningaasarsiaqarneranik, ilinniakkamut tiguneqarnermik uppersaatinik imaluunniit ilinniartitsisamik pissarsinermik, ilinniarnernup allamik taarserneranik, soraarummeernermi karakterinik aammalu soraarummeernermi nalunaarfiit allattuiffittaasa assilinerinik paasissutissat.

*Imm. 3.* Ilinniartuq imm. 1-mi aamma 2-mi pissutsit taaneqartut pillugit paasissutissanik eqqunngitsunik imaluunniit naammanngitsunik nalunaaruteqarsimappat erniai ilanngullugit ilinniagaqarnersiutinik eqqunngitsumik pissarsiarisimasaanik Ilinniagaqarnersiuteqarnermut Naalakkersuisoqarfik

uterteqqusissaaq, takuuk ilinniagaqarnersiutit pillugit Inatsisartut peqqussutaanni § 21, imm. 1. Ilinniagaqarnersiutit akuerisaanngitsumik pissarsiarisimasat ernialersorneqarnerat pissaaq ilinniagaqarnersiutit pillugit Inatsisartut peqqussutaanni § 21, imm. 2-mi aamma 4-mi maleruagassat malillugit.

**§ 11.** Ilinniagaqartut inuuniarnerminni aningaasartuutaasa tamakkiisumik akilerneqarnissaat siunertaralugu pisortanit ikiorsiissutit allanik ataavartumik pisartagaqartinneqartut aningaasanik ikiorsiissuteqarnersiutitaanngitsoortitaallutillu meeqqanut tapiissutit tapiissutisinnitsoorsinnaapput, takuuk ilinniagaqarnersiutit pillugit Inatsisartut peqqussutaanni § 9, imm. 1.

*Imm. 2.* Ilinniagaqartut ilinniarnermik nalaanni inuuniarnerminni aningaasartuutiminnik matussusiinissaq siunertaralugu ilinniarnermut akissarsiaqartut allatulluunniit ilinniarnermut aningaasarsiaqartut aningaasanik ikiorsiissutisiaqarsinnaatitaanngillat, takuuk ilinniagaqarnersiutit pillugit Inatsisartut peqqussutaanni § 9, imm. 2.

*Imm. 3.* Ilinniagaqartut piffissani sulisitsisumit sungiusarlutik sulinerminni aningaasarsiaqartitaanerminni aningaasanik ikiorsiissutisiaqarsinnaatitaanngillat.

*Imm. 4.* Ilinniagaqartut ilinniarunnaarallarnermi, tassunga ilanngullugu qitornartaarnermi ilinniarunnaarallarnermi ilinniagaqarnersiuteqarsinnaatitaanngillat.

*Imm. 5.* Ilinniagaqartut qiortartakkanik imaluunniit ikiorsiissutit pissarsinnginnissamik qinigaqarsimasut piffissani pissarsinnginnissamik qinigaqarfimminni kapitali 4-mi pineqartut aningaasanik ikiorsiissutit pisinnaatitaassanngillat.

#### *Attuumassuteqarnermut aalajangersakkat*

**§ 12.** Ilinniagaqarnersiuteqarnissamut dansikut innuttaassuseqarnissaq piumasaqaataavoq, takuuk ilinniagaqarnersiutit pillugit Inatsisartut peqqussutaanni § 6, imm. 1. Ilinniagaqarnersiuteqarnermut Naalakkersuisoqarfik ilinniagaqartoq Kalaallit Nunaannut ilaqutariissusermini immikkut ittunik attaveqartuuppat dansikut innuttaassuseqarnissaq pillugu aalajangersakkat atortinneqannginnissaannik immikkut akuersissuteqarsinnaavoq.

*Imm. 2.* Taamaattoorli nunat allamiut ilinniagaqarnersiuteqarsinnaapput nunat tamalaat akornanni isumaqatigiissutit Kalaallit Nunaanni atuuttut naapertorlugit dansikut innuttaassuseqartut assigalugit ilinniagaqarnersiuteqarsinnaatitaagunik, takuuk ilinniagaqarnersiutit pillugit Inatsisartut peqqussutaanni § 6, imm. 2.

**§ 13.** Kalaallit Nunaanni ilinniartitaanernut ilinniagaqarnersiuteqartitsisoqarsinnaavoq inunnut Kalaallit Nunaanni aalajangersimasumik najugaqartunut, takuuk ilinniagaqarnersiutit pillugit Inatsisartut peqqussutaanni § 7. Ilinniagaqarnersiuteqarnermut Naalakkersuisoqarfik aalajangersimasumik najugaqarnermut aalajangersakkatut piumasaqaatit atortinneqannginnissaannik immikkut akuersissuteqarsinnaavoq pineqartoq Kalaallit Nunaanni aalajangersimasumik najugaqavinnera uppersarnerqarsinnaappat, naak Kalaallit Nunaata avataani aalajangersimasumik najugaqarallartuugualuarp.

**§ 14.** Ilinniagaqarnersiutit pillugit Inatsisartut peqqussutaanni § 8, imm. 1 innersuussutigineqarluni Kalaallit Nunaata avataani ilinniartitaanernut ilinniagaqarnersiuteqartitsisoqarsinnaavoq inunnut 1) qinnuteqarnermik nalaani Kalaallit Nunaanni aalajangersimasumik najugaqartunut, tamannalu sioqqullugu Kalaallit Nunaanni sivikinnerpaamik ukiuni tallimani aalajangersimasumik najugaqarsimasunut, imaluunniit

2) sivikinnerpaamik ukiuni qulini Kalaallit Nunaanni aalajangersimasumik najugaqarsimasunut aammalu Kalaallit Nunaata avataani sivilunerpaamik ukiuni pingasuni najugaqarsimasunut.

*Imm. 2.* Ilinniagaqarnersiutit pillugit Inatsisartut peqqussutaanni § 8, imm. 2 malillugu Kalaallit Nunaata avataani najugaqarnertut isigineqassanngillat, takuuk imm. 1, najugaqarnerit kisimik patsiseqartut

1) ilinniartitaanermi pissutsinik, imaluunniit

2) paaqqutarineqarnermi pissutsinik, Kalaallit Nunaanni oqartussanit peqataaffigineqarsimasut.

*Imm. 3.* Kalaallit Nunaanni aalajangersimasumik najugaqarnermik imm. 1-imi piumasaqaat pissutsit immikkut illuinnartut atuutsillugit, tassunga ilanngullugu Kalaallit Nunaata avataani aapparisaq ilinniagaqarneranut atatillugu, takuuk § 7, Kalaallit Nunaata avataani aalajangersimasumik najugaqarnermut nuunneq pissuteqarpat Ilinniagaqarnermut Pisortaqaarfik immikkut ittumik akuersissuteqarsinnaavoq.

#### *Ilinniartitaanermut tiguneqarneq*

**§ 15.** Ilinniartitaanermut ilinniartup tiguneqarsimanerani ilinniagaqarnersiuteqartitsisoqarsinnaavoq, taamaattoorli takukkit imm. 2-4.

*Imm. 2.* Danmarkimi ilinniakkanut, ilinniarnertuunngorniarfimmi ilinniarsimanissamik ilinniarnermi isernissamut piumasaqaataasunut, amerlassuseqartitsinermilli killiliussarisaasoqartitsilluni ilinniarnermi tigusisoqartarfinnut ilinniagaqarnersiuteqartitsisoqassaaq, ilinniartup isernissamut killiliussap ataaniikkaluarpat, tamatumani qinnuteqartoq:

1) Karakterit tamarmik agguaqatigiissinnerini minnerpaamik 8-mik angusaqarsimalluni

ilinniarnertuunngorniarfimmi ilinniarnermik naammassinnissimappat, aammalu

2) ilinniarnermut qinnuteqarfiusumut atasumik tiguneqarsinnaanissamut immikkuualuttutut piumasaqaatigisatut aalajangiussat eqquutsippagit.

*Imm. 3.* Inuussutissarsiutinut Kalaallit Nunaata avataani tunngaviusumik ilinniartitaanernut taamaallaat ilinniagaqarnersiuteqartitsisoqassaaq qinnuteqartoq ilinniartitaanermut tiguneqarnerminut atatillugu tunngaviusumik ilinniagaqareermermi kingorna ilinniarnermi sungiusarluni sulisinnaanissamik, aningaasarsiaqarluni ilinniarnfigeqqiffigisassaminik imaluunniit aningaasarsiaqarluni ilinniarnfigeqqiffigisassaqsinnaalluni allagannorlugu akuersissumik pissarsareersimappat. Ilinniagaqarnersiuteqarnermut Naalakkersuisoqarfik tassannga immikkut akuersissuteqarsinnaavoq, ilinniartoq pikkorinnerpaani timersortartuuppat imaluunniit timersortartutut piginnaaniliuppat.

*Imm. 4.* Ilinniagaqarnersiuteqarnermut Naalakkersuisoqarfik Kalaallit Nunaata avataani ilinniagaqarnermut, assersuutigalugu nammineq akiliilluni ilinniagaqarneq imaluunniit oqaatsinik misilitsinnermik angusaqarsimanissaaq pillugit pineqartillugit ilinniagaqarnersiutinik pisartagaqsinnaanissamut piumasaqaatinik immikkullu malitassanik aalajangersaasinnaavoq.

*Imm. 5.* Kalaallit Nunaata avataani, taakkununga Danmarki ilaalluni, ilinniagaqarfinnut aalajangersimasunut Namminersornerullutik Oqartussanit ilinniagaqarnersiuteqartitaasutut ilinniagaqartut amerlassusissaannik Ilinniagaqarnersiuteqarnermut Naalakkersuisoqarfik aalajangiussisinnaavoq. Tapiissutisinissamut piumasaqaatinik, qinnuteqartut akornanni tigusinninnissamut, aalajangiinnermut tunngaviit Ilinniagaqarnersiuteqarnermut Naalakkersuisoqarfup aalajangiiffigisarpari. Amerlassutsit aamma tigusinninnissamut aalajangiinnermut tunngaviit "www.sunngu.gl"-imi Ilinniagaqarnersiuteqarnermut Naalakkersuisoqarfup tamanut saqqummiuttarpai.

*Ilinniartitaanerit ilinniagaqarnersiuteqarfusinnaasut*

**§ 16.** Kalaallit Nunaanni ilinniartitaaneq ilinniagaqarnersiuteqarfusinnaasutut

Ilinniagaqarnersiuteqarnermut Naalakkersuisoqarfiup akuersissutigisinnaavaa, tamatumani ilinniartitaaneq

- 1) sivikinnerpaamik qaammatinik pingasunik sivilissuseqarpat,
- 2) Kalaallit Nunaanni suliffeqartitsisinnaasutut naatsorsuutigineqarpat
- 3) aammalu ilinniartitaaneq ilinniagaqarfimmi Namminersornerullutik Oqartussanit pilersinneqarlunilu ingerlanneqartumi ingerlanneqarpat imaluunniit sammisanik imarisamigut, pisortaqarnermigut, ilinniartitsisoqarnermigut ilinniarfullu ilusilersorneranut tunngatillugu ilinniartitaaneq naammaginatut pitaassuseqarpat.

*Imm. 2.* Ilinniagaqarnersiuteqarnermut Naalakkersuisoqarfik ilinniartitaaneq pillugu politikkikkut, suliffeqarfeqarnermut tunngasutigut aningaasaqarnikkullu mianerisassat tunngavigalugit imm. 1 najoqqutarlugu aalajangiussisarpoq, tassungalu atatillugu naliliisarfittut suliffeqarfimmit pisortanit akuerineqarsimasumit ilinniartitaanerup pitaassusianik naliliissummik noqqaassuteqarsinnaalluni.

*Imm. 3.* Ilinniagaqarnersiuteqarnermut Naalakkersuisoqarfimmit Kalaallit Nunaanni ilinniartitaanerit akuerisaasut "www.sunngu.gl"-ikkut Ilinniagaqarnersiuteqarnermut Naalakkersuisoqarfiup tamanut saqqummiuttarpai.

**§ 17.** Danmarkimi ilinniartitaanerit tapiiffigineqarsinnaapput, tamatumani ilinniartitaaneq pineqartoq

Danmarkimi SU-Styrelsenimit tapiiffigineqarsinnaasutut akuerineqarsimappat, taamaattorli Ilinniagaqarnersiuteqarnermut Naalakkersuisoqarfiup ilinniartitaaneq pillugu politikkikkut, suliffeqarnermut tunngasutigut aningaasaqarnikkullu mianerisassat pissutigalugit aalajangiussimanngippagu ilinniartitaaneq pineqartoq tapiiffigineqarsinnaassanngitsaq.

Ilinniagaqarnersiuteqarnermut Naalakkersuisoqarfik ilinniartitaanerit Danmarkimi SU-Styrelsenimit akuerisaasut tapiiffigineqarsinnaatitaanerannut atatillugu piumasaqaatinik immikkullu malitassanik aalajangersaasinnaavoq.

*Imm. 2.* Tamatuma saniatigut Kalaallit Nunaata avataani, tassunga Danmarki ilanngunneqarluni, ilinniartitaaneq Ilinniagaqarnersiuteqarnermut Naalakkersuisoqarfiup tapiiffigineqarsinnaatitaasutut akuerisinnaavaa, tamatumani ilinniartitaaneq

- 1) sivikinnerpaamik qaammatinik pingasunik sivilissuseqarpat,
- 2) piffissamik tamakkiisumik atuilluni ilinniaqarnertut aqqissuussaappat,
- 3) Kalaallit Nunaanni suliffeqartitsisinnaasutut naatsorsuutigineqarpat, taamaattorli takuuk § 22, aammalu
- 4) ilinniartitaaneq ilinniagaqarfimmi pisortat akuerisaanni ingerlanneqarpat, imaluunniit sammisanik imarisamigut, pisortaqarnermigut, ilinniartitsisoqarnermigut ilinniarfullu ilusilersorneranut tunngatillugu ilinniartitaaneq naammaginatut pitaassuseqarpat.

*Imm. 3.* Ilinniagaqarnersiuteqarnermut Naalakkersuisoqarfik ilinniartitaanerit politikkikkut, suliffeqarfeqarnermut tunngasutigut aningaasaqarnikkullu mianerisassat tunngavigalugit imm. 1 najoqqutarlugu aalajangiussisarpoq, tassungalu atatillugu naliliisarfittut suliffeqarfimmit pisortanit akuerineqarsimasumit ilinniartitaanerup pitaassusianik naliliissummik noqqaassuteqarsinnaalluni.

*Imm. 4.* Ilinniagaqarnersiuteqarnermut Naalakkersuisoqarfiup "www.sunngu.gl"-imi tamanut saqqummiuttarpai:

1) Ilinniartitaanerit SU-Styrelsemit tapiiffineqarsinnaasutut akuerisaasut, kisianni

Ilinniagaqarnersiuteqarnermut Naalakkersuisoqarfimmit ilinniartitaanertut tapiiffineqarsinnaasutut akuerineqarsimannngitsut, takuuk imm. 1, oqaaseqatigiit siulliit.

2) Kalaallit Nunaata avataani, tassunga Danmarki ilanngunneqarluni, ilinniartitaanerit

Ilinniagaqarnersiuteqarnermut Naalakkersuisoqarfiup tapiiffineqarsinnaasutut akuersissuteqarfigisai, takuuk imm. 2.

3) Ilinniagaqarnersiuteqarsinnaatitaanermut piumasaqaatit malitassallu.

**§ 18.** Piffissamik nalinginnarmik ukiunik sisamanik sivisunerunngitsumik killiliiffigalugu §§ 16 aamma 17 najoqqutaralugit ilinniartitaaneq tapiiffineqarsinnaatitaasoq akuersissutigineqartarpoq.

*Imm. 2.* Kalaallit Nunaata avataani, tassunga Danmarki ilanngunneqarluni, Namminersornerullutik Oqartussanit pilersinneqarlutillu ingerlanneqartunik ilinniartitaanernik akuersissuteqarneq ilinniagaqarfimmit qinnuteqaateqaqqaartitsisoqarani pisarpoq. Kalaallit Nunaanni ilinniartitaanerit sinnerinik akuersissuteqarneq tamatumunnga qinnuteqaqqaarnikkut pisarpoq. Ilinniartitaanerup aallartinnginnerani kingusinnerpaamik qaammatit arfineq-marluk sioqqullugit Ilinniagaqarnersiuteqarnermut Naalakkersuisoqarfimmut qinnuteqaat nassiunneqassaaq.

*Imm. 3.* Akuersissuteqarnissamut attuumassuteqartunik Ilinniagaqarnersiuteqarnermut Naalakkersuisoqarfik katigussaqaarsinnaavoq, assersuutigalugu ilanngullugit paasisutissanik nassiussarnissat aammalu ilinniagaqarnersiuteqartitsinnermi malitassat immikkut ittut, assersuutigalugu ilinniakkap pineqartup naammassisinnaanissaanut ilaannakortumik ilinniagaqarnersiuteqartitsisinaaneq pillugu.

*Imm. 4.* Akuersissut uterteqquneqarsinnaavoq, tamatumani ima pisoqarpat:

1) Ilinniagaqarfiup akuersissuteqarnissamut tunngavissarititaasut imaluunniit akuersissuteqarnissamut attuumassuteqartumik malitassat sulii eqquutsinneqarsinnaanerit uppersarsinnaanngippagu.

2) Ilinniagaqarnersiuteqarnermut Naalakkersuisoqarfiup nalilerpagu akuersinerup attatiinnarnissaa ilinniartitaaneq pillugu politikikkut, suliffeqarnermi atugaasutigut imaluunniit aningaasaqarnikkut tunuliaqutaasutigut tunngavissaaruttoq.

3) Ilinniartitaaneq ima ussassaarutigineqarpat ussassaarisarneq pillugu inatsimmut akerliusumik imaluunniit akuersinissamut tunngavissarititaasunut akerliusumik.

4) Ilinniagaqarfiup ilinniagaqarnersiutit pillugit aqutsinissamut ilinniagaqarfinnut aamma piumasaqaataasut eqquutsissinnaajunnaarpagit.

*Imm. 5.* Imm. 4 najoqqutaralugu aalajangiinissamut atugassamik Ilinniagaqarnersiuteqarnermut Naalakkersuisoqarfik naliliisarfitut suliffeqarfimmit pisortanit akuerineqarsimasumit ilinniartitaanerup pitsaassusianik naliliisummik noqqaassuteqarsinnaavoq.

*Imm. 6.* Ilinniagaqarfiup ilinniartitaanernik qinnuteqaateqareernerup kingorna akuersisummik tunineqarsimaguni suliffeqarfik piffissap akuersissuteqarfiup naannginnerani kingusinnerpaamik qaammatit arfineq-marluk sioqqullugit Ilinniagaqarnersiuteqarnermut Naalakkersuisoqarfimmut akuersissuteqarnerup sivitsornissaanik qinnuteqassaaq, takukkit § 16, imm. 2 aamma § 17, imm. 3.

*Imm. 7.* Ilinniagaqartut, akuersissutip uterteqquneqarnerata kingorna, imaluunniit piffissap akuersissutigineqartup naanerata kingorna ilinniakkamut tiguneqartut ilinniagaqarnersiuteqarnissamut pisinnaatitaaffeqanngillat.

**§ 19.** Ilinniagaqartup ilinniagaqarnersiuteqarfinnaasumik ilinniarnernut ingerlanneqartumut atatillugu Kalaallit Nunaata avataani, tassunga Danmarki ilanngullugu, ilinniarnermi najugaqarneq tamakkiisumik

imaluunniit ilaannakortumik tapiissuteqarfusinnaasutut Ilinniagaqarnersiuteqarnermut Naalakkersuisoqarfiup akuersissuteqarfigisinnaavaa. Akuersissuteqarneq tamatumunnga qinnuteqareernerup kingorna pisarpoq. Ilinniagaqarnermi najugaqarnerup aallartinneissaa kingusinnerpaamik qaammat ataaseq sioqqullugu Ilinniagaqarnersiuteqarnermut Naalakkersuisoqarfimmut qinnuteqaatigineqarsimassaaq.

*Imm. 2.* Ilinniagaqarnersiuteqarnermut Naalakkersuisoqarfik akuersissuteqarnermut malitassanik katigussisnaavoq, ilanngullugit assersuutigalugit paasisutissanik nassiussisarnissaq aammalu nammineq tamakkiisumik ilaannakortumilluunniit akiliisartilluni ilinniagaqarnersiutitut immikkut malitassat, tamatumanilu ilanngullugu ilinniartitaanermut akitsuutitik nammineq akiliisarneq, pineqartillugit.

**§ 20.** Qaffasinnerusumik ilinniartitaanermut tiguneqarnissamut ilinniarnertuunngorniarmut fagini ataasiakkaani qaffasinnerusumut ilassuteqarnissaq pisariaqartinneqarpat ilinniarnertuunngorniarmut ilassutitut pikkorissarnerit ilinniagaqarnersiuteqarfusinnaatitaapput piumasaqaatit makku eqquutsinneqartillugit:

1) Ilinniagaqartoq faginik ataasiakkaanik ilinniartitsinermik malinnaanissaminut aqqutissiuksartumit siunnersorneqarsimappat, aamma

2) fagimi ataatsimi pimoorusamik ilanngussisoqartinnagu faginik ikinnerpaamik marlunnik ataatsikkoortillugit ilassuteqartitsisoqarpat, tamatumani sapaatip akunneranut tiimit amerlanerusut ilassuteqaatiginerisigut, taamaasilluni fagi pineqartoq nalinginnaasumik ilassuteqaateqartitsisarnermit pilertornerusumik naammassineqarsinnaanngorlugu.

*Imm. 2.* Ilinniakkamut tiguneqarnissamut karakteri annerusoq imaluunniit inissisimaffigisaq qaffasinnerusoq piumasaqaataanngippat fagini ilinniagaqartup misilitsinnermini imaluunniit soraarummeernermini karakteri 6 imaluunniit sinnerlugu angusareersimappagu ilinniarnertuunngorniarmut ilassutitut pikkorissarnerit ilinniagaqarnersiuteqarfusinnaatitaanngillat. Taamaattoq karakterimik piumasaqaat misilitsinnernut ukiut arfineq-pingasut sinnerlugit pisoqaassusilinnut atuutinngilaq.

*Imm. 3.* Fagimut ataatsimut ataasiaannarluni ilinniagaqarnersiuteqartitsisoqarsinnaavoq.

**§ 21.** Namminersornerullutik Oqartussat timersortartunut pikkorinnerpaanut timersortartutullu piginnaanilinnut ilinniartitanermini immikkut aqqissuussani pineqartut peqataanissaannut ilinniagaqarnersiuteqartitsisinaapput, tamatumani timersortartutut pikkorinnerpaatut timersortartoq imaluunniit timonersortartutut piginnaanilik timersuutini pissutigalu ilinniartitaanermik ilinniagaqarnersiuteqartitsiviusinnaasumik ingerlataqarnissaminik periarfissaqanngippat.

*Imm. 2.* Timersortartutut pikkorinnerpaatut timersortartoq timersortartututullu piginnaanilik ilinniarnini ima aqqissuutissavaa timersornermik aamma ilinniagaqarnermik ingerlatsinini tamakkiisumik sammisaqartitsiviusutut. Ingerlassat Ilinniagaqarnersiuteqarnermut Naalakkersuisoqarfimmit akuersissutigineqassapput Team Grønlandimit inassuteqaateqartoqareerneratigut.

**§ 22.** Ilinniagaqarnersiuteqarnermut Naalakkersuisoqarfik § 17, imm. 2, nr. 2-mi piumasaqaammit immikkut akuersisnaavoq, tamatumani ilinniagaqartoq eqqumiitsuliornerup, nipilersornerup allatulluunniit kulturikkut suliaqarnerup iluani suliaqartuuppat.

*Imm. 2.* Ilinniagaqarnersiuteqarnermut Naalakkersuisoqarfik imm. 1-mi aalajangersakkap saniatigut § 17, imm. 2, nr. 2-mit immikkut akuersisnaavortaaq inuttut atugarisat tamatumunnga tungavissaritinneqarsinnaatillugit, tamatumani ilanngullugit ilinniagaqartup peqqissutsikkut atugarisai.

**§ 23.** Ilinniagaqarnersiuteqarnermut Naalakkersuisoqarfik ilinniagaqartut ilinniartitaaffinnut ilinniagaqarnersiuteqarsinnaatitaaffiunngitsunut peqataaffigisaannut ilinniagaqarnersiuteqartitsinissamik aalajangiussaqaarsinnaavoq pissutsit immikkut illuinnartut atuutsillugit, tassungalu aamma ilanngullugit

- 1) ilinniagaqarnermik pineqartumik tunuliaqutaqarluni Kalaallit Nunaata sulisunik pisariaqartitsinerani,
- 2) ilinniagaqartup ilinniakkamut ilinniagaqarnersiuteqarfusinnaasumut assingusumut tiguneqaarsinnaannginnerani, aammalu
- 3) ilinniarneq pineqartoq piffissamik tamakkiisumik ilinniagaqarnertut aaqqissuunneqarlunilu ingerlanneqaarsinnaappat.

*Imm. 2.* Ilinniagaqarnersiuteqarnermut Naalakkersuisoqarfiup aalajangertarpai ilinniagaqarnersiuteqartitseriaatsit qanoq ittut qanorlu annertutigisumik atorneqarnissaat, aammalu assersuutigalugu immikkut paasissutissat nassiunneqartarnissaat, karakterinut piumasaqaatit aammalu nammineq tamakkiisumik ilaannakortumilluunniit akiliisartilluni ilinniagaqarnersiutinut immikkut malitassat, tamatumanilu ilanngullugu ilinniartitaanermut akitsuutinik nammineq akiliisarneq pineqartillugit.

#### *Ilinniagaqarnermik ingerlatsineq*

**§ 24.** Ilinniagaqarnersiuteqartitsinissamut ilinniartup ilinniagaqarnermini ingefrlatsinissaa piumasaqaataavoq, taamaattorli takuuk imm. 5, ima paasillugu ilinniartoq ilinniagaqarnerup ingerlanissaanut malittarisassat naapertorlugit ilinniarnermik aammalu misilitsinnernut soraarummeernernullu piumasarineqartunut malittarinnessasoq, suliassiissutinik tunniussisassasoq il.il., imaluunniit misilitsinnerni soraarummeernernilu peqataannginnissamik nalunaarneq takkutinngitsoornerluunniit ilinniarfimmit akuerineqarpat.

*Imm. 2.* Taamaattorli ilinniagaqarnermi ilinniarfimmut pinngitsoorani orniguttariaqarfiunngitsumi ilinniarnermi ilinniartoq qaammatit aqqaneq-marluk sinnerlugit kinguaattoorsimangippat ilinniagaqarnersiuteqartinneqartussaavoq. Ikorsiissutit imaluunniit qiortartakkat ilinniaqarnermut atatillugu tunniunneqarsimasut akornanni assigiinngissutaasoq kinguaattoorneruvoq, taamatullu ilinniagaqarnermut maleruguassat atuuttut najoqqutaralugit ilinniagaqarnermi siuariartorneq qaammatinut uuttorneqartarluni, taamaattorli takuuk § 79, imm. 3, oqaaseqatigiit aappaat. Ilinniagaqartup ilinniarni qaammatini aalajangersimasunik amerlassusilinni aningaasanik ikorsiissuteqarnissamut qiortartakkanillu pissarsisinnaatitaalluni sivitsorsimappagu ikorsiissutit tunniunneqarsimasut imaluunniit qiortartakkat atorneqarsimasut ikorsiissutinik tunniunneqarsimasunik imaluunniit qiortartakkanik atugaasimasunik naatsorsuinerneq ilanngunneqassanngillat.

*Imm. 3.* Ilinniagaqartoq piffissami ilinniagaqarnersiuteqarfusumi ilinniarnermi kinguaattoorsimaguni ukioq ataaseq tikillugu sivitsukkamik ilinniagaqarnersiutisinissaminut pisinnaatitaavoq. Ilinniagaqartup kinguaattoorfigisimasaanut qaammatit amerlassusaasa assinginut piffissaq ilinniagaqarnersiuteqarfusooq qaammatinik pineqartunik sivitsorneqassaaq. Kinguaattoorneq ilinniagaqarnersiutiseqqinnissamut pisinnaatitaaffeqartitsissaaq kinguaattoorneq uppersarsakkanik makkuninnga tunngaveqarpat:

- 1) Ilinniarfiup aqutsisinut, ilinniagaqartut siunnersuisoqatigiivinut suliniaqatigiiffinnullu assingusunut ilinniarfimmut attuumassuteqartunut ilaasortaaneq.
- 2) Ilinniagaqartut inuttut imaluunniit ilinniarnerni atugarisaannut atatillugu suliaqarneq.
- 3) Nammineq imaluunniit qaniginerpaasat napparsimanerinek.

*Imm. 4.* Kalaallit Nunaata avataani ilinniagaqartut soraarummeernerit tamaasa soraarum-meernermi



allattuiffiit assigisaasaluunniit assilinerannik Ilinniagaqarnersiuteqarnermut Naalakkersuisoqarfimmut nassiuissisassapput.

*Imm. 5.* Imm. 1-3-mi aalajangersakkat timersornermik pikkorinnerpaatut piginnaanilinnut atuutinngillat.

Taamaattorli tapiiffigineqarsinnaanermut timersuutigisami aammalu ilinniagariniakkatut

pilersaarutaasumi ingerlataqarnerup annertussusaata Ilinniagaqarnersiuteqarnermut

Naalakkersuisoqarfimmit piumasaqaatitut aalajangersakkat iluiniitinnegarnissaa piumasaqaataavoq.

Ilinniagaqartoq piumasaqaatinik aalajangersakkanik naammassinninngippat Team Grønlandip

erniinnaartumik Ilinniagaqarnersiuteqarnermut Naalakkersuisoqarfik nalunaaruteqarfigissavaa.

**§ 25.** Ilinniagaqartup ilinniarnerninik ingerlatsinera ilinniarfik ataavartumik nakkutigalugulu ingerlatsinera pillugu aalajangiisarpoq.

*Imm. 2.* Ilinniagaqartoq allamik paasinnittoqarnissaata tungaanut ilinniarnerninik ingerlatsisutut naatsorsuutigineqassaaq, taamaattorli takuuk § 10.

*Imm. 3.* Ilinniarfik ilinniarnerninik ingerlatsineq pillugu erseqqinnerusunik piumasaqaatinik

aalajangersaasinnaavoq, tassunga ilanngullugit pinngitsoorani orniguttarneq, suliaassiissutit misilitsissutillu tunniunneri aammalu misilitsinnernit soraarummeernernillu peqataasinnaannginnernut tunngasunik.

### **Kapitali 3**

#### *Ilinniagaqarnersiuteqartitseriaatsit*

##### *Ataatsimut aalajangersakkat*

**§ 26.** Ima aaqqissuussanik ilinniagaqarnersiuteqartitsisoqarsinnaavoq:

1) Aningaasatigut ikiorsiisutitut.

2) Inuussutissarsiutinut tunngaviusumik ilinniarfinni ilinniartunik (lærlinginik), aammalu lærlinginik Danmarkimi ilinniartunniittarlutik Kalaallit Nunaanni suliffimmi sungiusartunik sulisitsisut atorfinitsitsinerninni aningaasarsianut aningaasartuutaannut tapiissutitut.

3) Meeqqanut tapiissutitut.

4) Illusisimmavimmut aningaasartuutit akilerneqarnerisut.

5) Illusisimmavimmut aningaasartuutinut akiliussigallarnertut.

6) Akiliunneqarluni angalanissatut.

7) Usinik angallassinermut aningaasartuutit matussusernerisut.

8) Kalaallisut ilinniartitaanermut aamma pisariaqartitamik immikkut ilinniartitaanermut atatillugu peqataanermut aningaasartuutit matussusernerisut.

9) Nakorsartinnermut aningaasartuutit matussusernerisut.

10) Nunatta Karsianit taarsigassarsiatut.

11) Ilinniagaqarnermi akitsuutit matussusernerisut.

**§ 27.** Aningaasat qaammammoortumik ikiorsiissutit annertussusissaat ilinniagaqartup matuma kinguliini tullinnguuttuni sumi inissisimanera apeqqutaatillugu tunniunneqarsinnaapput:

1) Ilinniagaqarnissamut piareersaataasumik Kalaallit Nunaanni ilinniagaqartunut 18-it inorlugit ukiulinnut.

2) Ilinniagaqarnissamut piareersaataasumik Kalaallit Nunaanni ilinniagaqartunut 18-ileereersimasunut.

3) Inuussutissarsiutinut Kalaallit Nunaanni tunngaviusumik ilinniagaqartunut taamatullu sulisitsisumit aningaasarsiaqartinneqanngitsunut.

4) Kalaallit Nunaanni qaffasinnerusunik ilinniagaqartunut.

5) Danmarkimi ilinniartitaanerni ilinniagaqartunut.

6) Kalaallit Nunaata aamma Danmarkip avataanni ilinniartitaanerni ilinniagaqartunut.

*Imm. 2.* Ilinniagaqartut ilinniarnerninnut atatillugu akeqanngitsumik nerisaqartitaallutillu najugaqartitaasut tamakkununga akiliutitut ilanngaavigineqassapput.

*Imm. 3.* Kalaallit Nunaanni ilinniagaqarnissamut piareersaataasumik ilinniagaqartut 18-it inorlugit ukiullit, taamatullu kollegiani najugaqartut nerisinneqarnissamilli periarfissaqanngikkunik ullormut ataasiaannarlutik nerisassaqaartinneqarsinnaasut nerisassarsiuteqaartinneqartarput.

*Imm. 4.* Aningaasat ikiorsiissutit annertussusissaat aningaasanut inatsimmi aalajangersaavigineqartarput.

*Imm. 5.* Ilinniartitaanerni immikkut ittumik aqqissuussanut atatillugu piumasaqaatit allat atugaritillugit, taakkunangalu ilinniagaqarnersiutisianik immikkut ittumik pisariaqartitsilernikkut, tassunga ilanngullugit Kalaallit Nunaata aamma Danmarkip avataanni ilinniartitaanerni ilinniagaqarnersiutisiat Ilinniagaqarnersiuteqaarnermut Naalakkersuisoqarfup aalajangersaaffigisinnaavai.

*Imm. 6.* Ilinniagaqartoq § 27, imm. 1-imi pineqartut arlaanni allatut inissisimalerpat aningaasat ikiorsiissutit annertussusiat allanngortinneqassapput piffissamit qinnuteqarfusumiit, taamaattorli inissisimaffiup allanngorfia siusinnerpaamik aallarnerfigalugu.

**§ 28.** Nunani tamalaani ilinniartunik paarlaasseqatigiinnermik peqatigiiffiit aqqissuussaanni ilinniagaqarluni najugaqarnernut tapiiffigineqarsinnaasunut taamaallaat § 58-imi aalajangersagaq najoqqutaralugu tapiiffiginnittoqarsinnaavoq.

**§ 29.** Ilinniagaqartoq meeqqanut 18-it inorlugit ukiulinnut pilersuisussaappat imaluunniit akilersuisussaataitaappat meeqqanut pineqartukkaarlugit tapiissuteqartoqassaaq (meeqqanut tapeq). Meeqqap Kalaallit Nunaanni najugaqarnerani Kalaallit Nunaanni akilersuutip nalinginnaasup assinganik tapiissuteqartoqassaaq. Meeqqap Danmarkimi najugaqarnerani Danmarkimi akilersuutip nalinginnaasup assinganik tapiissuteqartoqassaaq. Meeraq Kalaallit Nunaanni imaluunniit Danmarkimi najugaqanngippat nunatsinni akilersuutip nalinginnaasup assinganik tapiissuteqartoqassaaq.

*Imm. 2.* Ilinniagaqartup meeraq najugaqatiginngippagu meeqqanut tapeq pilersuisuusumut akilerneqartassaaq.

*Imm. 3.* Ilinniagaqartup meeraq pisortanit tamakkiisumik pilersorneqarpata ilinniartumut meeqqanut tapermik tapiissuteqartoqassanngilaq.

*Imm. 4.* Ilinniagaqartup piffissani qiortartakkanik atugaqanngiffiani ilinniagaqartumut meeqqanut tapermik tapiissuteqartitsisoqassanngilaq, takuuk § 76, imm. 1.

**§ 30.** Ilinniakkani tapiiffigineqarsinnaasuni ilinniarnermi akitsuutit, taamaattorli takuuk imm. 2, tamakkiisumik matussuserneqassapput

1) ilinniagaq assingusoq ilinniarnermi akitsuutinik akileeqqaarnikkut aatsaat malittarineqarsinnaatillugu, aamma

2) aningaasartuutit pisortat oqartussaasuinit allanit akilerneqarsinnaanngippata.

*Imm. 2.* Ilinniagaqarnersiuteqaarnermut Naalakkersuisoqarfik ilinniakkani aalajangersimasuni ilinniartitaanermut akitsuutit pissutsit immikkut illuinnartut atuutsillugit ilaannakortumik matussuserneqarnissaannik aalajangiussaqaarsinnaavoq, tassungalu ilanngullugu:

1) Ilinniakkamut pineqartumut sulisunik Kalaallit Nunaat pisariaqartitsippat,

2) allanit aningaasaleeqataanissaq pillugu isumaqatigiissuteqartoqarpat, imaluunniit

3) ilinniagaqarnersiuteqarfusutut ilinniakkamut assigisaanut ilinniartoq tiguineqarsinnaanngippat.

*Imm. 3.* Ilinniakkanut sorlernut ilinniartitaanermut akitsuutit taamaallaat ilaannakortumik

matussuserneqartarneri aammalu ilinniakkani ataasiakkaani ilinniarnermut akitsuutit matussuserneqartut qanoq annertutigineri pillugit "www.sunngu.gl"-imi tamanut saqqummiussisoqartarpoq.

*Ilinniagaqarnissamut piareersaataasumik ilinniartitaanerit*

**§ 31.** Ilinniagaqarnissamut piareersaataasumik ilinniagaqarnerit qiortartakkamik aaqqissuussinermut ilaanngillat, takuuk § 4.

**§ 32.** Ilinniagaqarnissamut piareersaataasumut ataasiinnarmut

ilinniagaqarnersiuteqartitsisoqarsinnaavoq, taamaattorli qinnuteqaateqartoqareersimatillugu ilassutitut pikkorissarnernut ilinniagaqarnersiuteqartitsisoqarsinnaavoq, takuuk § 20.

*Imm. 2.* Imm. 1 atuutinngilaq ilinniagaqartunut Piareersarfiit-ni ingerlatsisunut. Piareersarfiit ataanni ilinniartunut ilinniagaqarnersiutit aningaassaliissutigineqartarput kommunalbestyrelsimit, tamatumani inummut pineqartumut nalilileerneq aammalu pineqartumut iliuusissanut pilersaarusiamik suliaqareersimaneq tunngavigalugit, takuuk suliffissanik innersuussisarneq pillugu Inatsisartut peqqussutaat il.il.

**§ 33.** Ukiuni kingullerni tallimani ilinniagaqarnissamut piareersaataasumik ilinniagaqarnermik ataatsimik amerlanermik unitsitsisimasumut ilinniagaqarnissamut piareersaataasumut ilinniagaqarnersiuteqartitsisoqarsinnaanngilaq. Tamannali atuutinngilaq kommunini Piareersarfinni ilinniartinnit ilinniagaqartunut.

*Imm. 2.* Imm. 1 naapertorlugu ilinniarunnaarallarnertut naatsorsuutigineqanngillat ilinniagaqanngikkallarnerit, ilanngullugit naartunermi ernereernermilu ilinniagaqanngikkallarnerit, aammalu nappaateqarnermik pissuteqarluni uppernarsaasikkamik najuutinnginnerit.

*Imm. 3.* Pissutsit immikkut ittut atuutsillugit Ilinniagaqarnersiuteqarnermut Naalakkersuisoqarfik imm. 1-imi, oqaaseqatigiit siullerni aalajangersakkat atornagit immikkut akuersissuteqarsinnaavoq, tassungalu ilanngullugu ilinniarfiup nalilerpagu ilinniakkamik qinnutigineqartumik ilinniagaqartup naammassinnissinnaanera.

*Inuutissarsiutinut tunngaviusumik ilinniartitaanerit*

**§ 34.** Inuutissarsiutinut tunngaviusumik ilinniartitaanerit qiortartakkamut ilaanngillat, takuuk § 4.

**§ 35.** Inuussutissarsiutinut tunngaviusumik ilinniartitaanernut naammassisanut taamaallaat

amerlanerpaamik marlunnut, ilinniagaqarsimasutut qaffasissutsip ataaniitunut, ilinniagaqarnersiuteqartitsisoqarsinnaavoq. Taamaakkaluartorli ilinniartitaanermut saniatigut ataatsimut, ilinniagaqarsimasutut qaffasissuseqartumut qaffasinnerusumulluunniit aamma ilinniagaqarnersiuteqartitsisoqarsinnaavoq, tamatumani uku naammassineqarsinnaatillugit:

1) Ilinniartitaanermut pineqartumut tiguneqarsinnaanissamut piumasaqaatigineqarpat

ilinniagaqarsimasutut qaffasitsigisumik ilinniagaqarsimasooernissaq.

2) Ilinniartitaaneq siusinnerusukkut ilinniagarisimasamut pissusissaatut nangitsineruppat suliaqarfiusullu pineqartup iluani qaffasinnerusumiittussaappat.

3) Ilinniartitaaneq pisariaqartuusimappat inuussutissarsiuteqarsinnaannginneq pissutigalugu allamik ilinniartariaqarnermik.

*Imm. 2.* Ilinniagaqartoq ilinniarsimasutut qaffasissuseqartumik imaluunniit sinnerlugu ilinniagaqarsimasoq ilinniakkamut ilinniarsimasutut qaffasissutsip ataaniittumut ilinniagaqarnersiutinik pissarsisinnaanngilaq. Qaffasinnerusumik ilinniartitaanermik naammassinnissimasumut inuussutissarsiutinut tunngaviusumik

ilinniartitaanernut ilinniagaqarnersiuteqartitsisoqarsinnaangilaq.

*Imm. 3.* Ilinniagaqarnersiuteqarnermut Naalakkersuisoqarfik imm. 1-imut aamma 2-mut pissutsit immikkut ittut apeqqutaatillugit immikkut akuersissuteqarsinnaavoq, tassunga ilanngullugit:

- 1) Ilinniagaqartup suliffeqarnissamut periarfissai killeqarpata, imaluunniit
- 2) ilinniakkamik qinnuteqarfiusumik ilinniarsimasunik Kalaallit Nunaat immikkut ittumik pisariaqartitsippat.

**§ 36.** Ilinniagaqarnersiuteqartitsisoqarsinnaangilaq ilinniagaqartumut ukiut kingulliit tallimat ingerlanerini inuussutissarsiutinut tunngaviusumik ilinniartitaanermik ataasiaannarani unitsitsisimasumut. Ilinniagaqarnissamut piareersarluni ilinniartitaanerit ilaatinneqanngillat.

*Imm. 2.* Imm. 1 malillugu unitsitsineriut naatsorsuunneqanngillat sungiusarluni sulinissamut inissaaleqineq, ilinniagaqanngiffeqarneq, tassunga ilanngullugit naartunermi ernereernermilu ilinniagaqanngiffeqarneq uppersaateqarlunilu napparsimalluni peqannginneq pissutigalugit ilinniartitaanermik unitsitsigallarnerit, imaluunniit ilinniartoq Piareersarfiit ataanni ilinniagaqarsimappat.

*Imm. 3.* Immikkut ittunik pissutissaqartillugu Ilinniagaqarnersiuteqarnermut Naalakkersuisoqarfik imm. 1-ip atortinneqannginnissaanik immikkut akuersissuteqarsinnaavoq, tamatumani aamma

- 1) ilinniartup suliffeqarnissamut periarfissai killeqarpata, imaluunniit
- 2) Kalaallit Nunaat ilinniarniakkamut qinnuteqarfiusumut ilinniarsimasunik immikkut ittumik pisariaqartitsippat, imaluunniit
- 3) unitsitsineq piffup misiliinerup nalaani pippat.

#### *Qaffasinnerusumik ilinniartitaanerit*

**§ 37.** Qaffasinnerusumik ilinniartitaanerit ilinniagaqartutqiortartakkamut ilaatitanik ilinniagaqarnersiuteqartitaasarput, takuuk § 4.

*Imm. 2.* Qiortartagaq ataaseq qaammammut ataatsimut aningaasanik ikiorsiissuteqarfiusinnaasutut aamma meeqqanut tapeqarfiusinnaasutut naleqarpoq, takuuk § 75.

*Imm. 3.* Angalanermut qiugassaq akiliunneqarluni angalanermut ataatsimut aningaasartuutit assinginiq naleqarpoq, takuuk § 50.

*Imm. 4.* Ilinniagaqarnerup aallartinneranut, unitsinneranut aamma naammassinneranut atatillugu akiliunneqarluni angalanermut qiugassat nalinginnarmik angalanissamut qiortartakkanik taaneqarput.

*Imm. 5.* Ilinniagaqanngiffeqarnermut atatillugu akiliunneqarluni angalanerit taaneqarput ilinniagaqanngiffeqarnermi akiliunneqarluni angalanertut.

*Imm. 6.* Akiliunneqarluni angalanernut allanut qiortartakkat immikkut ittumik angalanermut qiugassatut taaneqarput.

**§ 38.** Qiortartakkap iluani qiortartakkat katillugit 82-it tikillugit (killissarititaq) tunisisoqarsinnaavoq, taamaattoorli takukkit §§ 42-45.

*Imm. 2.* Nalinginnaasumik angalanernut qiugassanik (angalanermut killissarititaq) katillugit sisamanik qiortartakkap iluani tunniusoqarsinnaavoq.

*Imm. 3.* Ilinniagaqarnermut qiortartakkamik aaqqissuussinermut ilaasumut annerpaamik killissarititap aammalu qioreersimasat assigiinngissusaata amerlaqataanik qiugassanik aamma nalinginnaasumik angalanernut qiugassanik aalajangersimasumik amerlassusilinnik, tassani angalanernut killissarititaq aammalu nalinginnaasumik angalanerit qiugassat atoriikkat malittariissillugit tunniussisoqarsinnaavoq.

*Imm. 4.* Ilinniagaqartumut qaffasinnerusumik ilinniarnermik atuagarsornermik aningaasarsiaqarfigisamillu

ilinniarnermut atatillugu suliffimmiinnermi sinnerseeraffiusumik naammassisaqarsimasumut ilinniarnermi atuagarsornermut atugassat sinnerlugit qiugarisimasinnaasanik ilallugit ilinniagaqarfigisassatut atugassat assinginik qiugassanik killissarititamini ilanngaavigineqassaaq. Ilinniagaqartoq ilinniarnermi atuagarsornertut atugassarisap assinganut qiugassanik ikinnerusunik atugaqarsimaguni ilinniagaqartoq killissarititamini qiugassanik ilinniagaqarfigisassatut atugassat assinginik qiugassanik atorneqanngitsunik ilanngaavigineqassaaq. Ilinniarnerni taama ittuni unitsitsinermi taamaallaat qiugassanik tunniunneqareersimasunik killissarititaq ilanngaavigineqassaaq. Angalanermut killissarititami angalanerni qiugassat nalinginnaasut atorneqarsimasut assinginik ilanngaateqartoqassaaq.

**§ 39.** Ilinniartitaanernut ataasiakkaanut piffissamut ilinniagaqarfiusussamut qaammatinut naatsorsorlugit qiugassanik tunisisoqassaaq, qiugassat 12-it tapiliutigineqarlutik (ilinniagaqarnerisuteqarnerup nalaani), taamaattorli takukkit § 42, imm. 5 aamma §§ 43-45.

*Imm. 2.* Ilinniartitaaneq ilinniagaqarnerisuteqartitaanerup nalaani bachelor'ingornissamut aamma kandidat'ingornissamut immikkoortoqarpat ilinniarnertut marluusutut naatsorsuutigineqartarpoq. Ilinniarneq bachelor'ingornissamut aamma kandidat'ingornissamut immikkoortoqarpat immikkoortunut tamanut qiugassat 12-it tapiliutigineqassapput, tamakkiisumilli killissarititap assigisaanik qiugassanik tunisisoqarsinnaavoq, taamaattorli takuuk § 42, imm. 1, oqaaseqatigiit siulliit.

*Imm. 3.* Qaffasinnerusumut ilinniartitaanernut atuagarsornermik aningaasarsiaqarfigisamillu ilinniarnermut atatillugu suliffimmi sungiusarnermi marluimmik ilinniartitaanermut ilinniarnerp atugaarsorfunissaanut assingusumik, qaammatinut naatsorsukkamik, qiugassanik 12-it tikillugit tapiliutigineqartumik tapiiffigineqarnerup nalgivaa.

*Imm. 4.* Siusinnerusukkut ilinniagarisimasamit qaffasinnerusumut kingusinnerusukkut aallartinneqartumut naleqqiullugu ilinniakkami piginnaanernik pissarsiaqartoqarsimappat, ilinniakkami aallartinneqartumi tapiissuteqarnermi piffissami ilinniakkami pineqartumi piginnaaneqassutsit pissarsiarineqarfiini qaammatit amerlaqataannik qiortagassanik ilanngaasoqassaaq.

**§ 40.** Ilinniartitaanermut pineqartumut atatillugu ilinniagaqannginnermi akiliunneqarluni angalasoqarsinnaavoq ilinniagaqanngiffeqartoqarnerata nalaani angalanissamut atasumik akiliunneqarluni angalasinnaanissamut piumasaqaatit naammassineqarsimappata, takukkit §§ 54-56.

*Imm. 2.* Aasaanerani ilinniagaqanngiffeqarnermut atatillugu akiliunneqarluni aatsaat angalasoqarsinnaavoq ilinniagaqartoq:

- 1) Piffissami qinnuteqarfigisap nalaani qiortartagassanik pissarsisarp, aamma
- 2) ukiumi ilinniagaqarnerisuteqarfimmi 1. april killigalugu minnerpaamik killissarititamini qiugassanik ikinnerpaamik arfineq-marlunnik amiakkoqarpat.

*Imm. 3.* Juullimut ilinniagaqanngiffeqarnermut atatillugu akiliunneqarluni aatsaat angalasoqarsinnaavoq ilinniagaqartoq:

- 1) Piffissami qinnuteqarfigisap nalaani qiortartagassanik pissarsisarp, aamma
- 2) ukiumi tapiiffigineqarfimmi 1. november killigalugu qiugassanik minnerpaamik arfineq-marlunnik amiakkoqarpat.

**§ 41.** Angalanernut qiugassanik immikkut ittunik ilinniagarisanut ataasiakkaanut tunniussisoqarsinnaavoq makkununga piumasaqaatit eqquutsinneqarpata: Ilinniagaqarnerup unitsikkallarneqarneranut atatillugu, takuuk § 51, imm. 2, ilinniagaqanngikkallarnek, takuuk § 54, Kalaallit Nunaata iluani avataanilu, tassunga Danmark ilanngullugu, ilinniarnermut atatillugu najugaqarneq, takuuk § 57, imaluunniit ilinniagaqartup qanigisatut ilaqutaani perululluni napparsimasoqarnerani imaluunniit toqusoqarnerani, takuuk § 59.

**§ 42.** Piffissap ilinniagaqarfiusussap, takuuk § 38, imm. 1, tassunga ilanngullugit bachelor´itut kandidat ´itullu ilinniarnert imaluunniit ilinniarnert assingusut, katillugit qaammatit 60-it sinnerpagit killissarititaq sivitsorneqarsinnaavoq. Ilinniakkamik taamatut ittumik ilinniartoq unitsitsippat killissarisap sivitsorneqarnissaa atorunnaarsinneqassaaq.

*Imm. 2.* Ilinniagaqartup qiugassanik aalajangersimasunik ilinniagaqarnersiuteqarnini sivitsorsimappagu, takuuk § 38, imm. 1, taassuma assinganik qiortartamut killissarititaq sivitsorneqassaaq. Ilinniagaqartoq ilinniarnermik ilinniagaqarnersiuteqarfigisamik sivitsuivigisamik unitsitsiguni killissarititami sivitsuinnermi atunngisat assigisaannik qiortartat ilanngaatineqassapput. Ilinniagaqartoq piginnaaneqassutsit pissarsiarinerisa nassatarisaannik piffissaq ilinniagaqarnersiuteqarfik sivikillississimappagu, takuuk § 39, imm. 4, killissarititaasumik sivikillisaasoqassanngilaq, takuuk § 38, imm. 1.

*Imm. 3.* Ilinniartoq nappaateqarneq uppersaavigineqartoq imaluunniit pissutsinik immikkut ittunik allanik pissuteqarluni ilinniakkaminik naammassinnissinnaanngippat, taamaattumillu ilinniarnermik nutaamik aallartitsilluni killissarititap sivitsorneqarnissaanik qiugassanik amerlanernik tunineqarsinnaavoq, takuuk § 38, imm. 1, tamannalu Ilinniagaqarnersiuteqarnermut Naalakkersuisoqarfup qinnuteqaateqarnerup kingorna aalajangiiffigisinnaavaa. Killissarititap qiugassanik qanoq amerlatigisunik sivitsuisoqarnissaa Ilinniagaqarnersiuteqarnermut Naalakkersuisoqarfup aalajangissavaa.

*Imm. 4.* Ilinniagaqartoq Danmarkimi ´Statens Uddannelsesstøtte´mit (SU-mit) qaffasinnerusumik ilinniartitaanermut ilinniagaqarnersiutinik pissarsisimappat, killissarititat, takuuk § 38, imm. 1, ilanngaavigineqassapput qaammatinik SU-mit pissarsiviusunik.

*Imm. 5.* Ilinniagaqartut bachelor´itut ilinniagaqareernerup kingorna ilinniartitaanermut nangitsiviusumut, qiortartakkanik atuiffiusumut, unitsitseqqaaratik ingerlaqqittut ilinniakkamut nutaamut tiguneqarnerup uppersaavigineratigut ilinniagaqarnerup aallartinneqartup piffissarititaa tapiissuteqarfiusoq aallartiffigalugu qiortartakkanik marlunnik tapiiffigineqarsinnaapput. Ilinniakkat taakku marluk akornanni piffissami qiortartakkat tunniunneqassapput, piumasaqaataasinnaallunilu utertillugit akilerneqarnissaat, tamatumani ilinniagaqartoq qaavatigut ilinniagarisassaminik aallartitsinngippat.

*Imm. 6.* Ilinniagaqartoq bachelor´itut ilinniagaqareernerup kingorna ilinniartitaanermut nangitsiviusumut unitsitseqqaarani ingerlaqqittoq, tak. imm. 5, ilinniartitaanermik nangitsiviusumik aallartitsigani Kalaallit Nunaanni aalajangersimasumik angerlarsimaffigisaminut akiliunneqarluni angalanermik atuisoq, tak. § 51, imm, oqaaseqatigiit pingajuat, Kalaallit Nunaanni aalajangersimasumik kingullertut angerlarsimaffigisamut kingullermut angalanissamut nalinginnaasumik qiortartakkamik ilanngaavigineqassanngilaq. Angalanek ilinniagaqannginnermi angalanertut nalilerneqassaaq, tak. § 40.

**§ 43.** Ilinniagaqartoq meerartaarnerminut imaluunniit qitornavissiartaarnerminut atatillugu ilinniagaqarnersiutiminut qiortartakkamik tapiliussamik ataatsimik pisinnaatitaaffeqarpoq, tamatumani ilinniagaqartup meeraq najugaqatigippagu aammalu ilinniagaqanngikkallanngikkuni. Erneneq qitornavissiartaarnerluunniit pippat ilinniagaqartup ilinniarnini naammassiniarlugu sungiusarluni sulinerani qiortartakkamik immikkut tunniussisoqassanngilaq.

*Imm. 2.* Anaanaasoq qiortartakkanik 12-inik tapiliutinik pisinnaatitaavoq.

*Imm. 3.* Ataataasoq qiortartakkanik 6-inilinnik tapiliutinik pisinnaatitaavoq.

**§ 44.** Team Grønlandimit innersuunneqarluni Ilinniagaqarnersiuteqarnermut Naalakkersuisoqarfimmit ilinniagaqartut timersornermut pikkorinnerpaatut timersortartutulluunniit piukkunnaatillitut ilinniarnernup aallartinneranit akuerisaasut ilinniarnerrullu ingerlanerani immikkut ittumik

aaqqissuussamik Ilinniagaqarnersiuteqarnermut Naalakkersuisoqarfimmit akuerisaasumik ingerlataqartut piffissamut ilinniagaqarnersiuteqarfusumut tapiliutit saniatigut qiortartakkanik tunineqarsinnaapput.

*Imm. 2.* Ilinniarnertup immikkut ittumik aaqqissuussap naatsorsuutigisatut sivisussusia tunuliaqutaralugu saniatigut qiortartakkanik qanoq amerlatigisunik tunisisoqarnissaa Ilinniagaqarnersiuteqarnermut Naalakkersuisoqarfiup aalajangiiffigissavaa.

**§ 45.** Ilinniagaqartoq tamanna pillugu qinnuteqareerneratigut piffissamut ilinniagaqarnersiuteqarfimmut tapiliutitut qiortartagassanik saniatigut 12-it tikillugit tunineqarsinnaavoq ilinniagaqartoq ilinniakkamini kinguaattoorsimappat, makkuninnga uppersaaffiusunik pissuteqarluni:

1) Ilinniarfiup aqutsisoqarfiani, ilinniagaqartut siunnersuisoqatigiiviini ilinniarfimmullu atasunut peqatigiiffinnut assingusunut peqataappat.

2) Ilinniagaqartut inuttut imaluunniit ilinniagaqarnikkut atugarisaannut atatillugu suliaqarpat

3) Nammineq imaluunniit qaniginerpaasat nappaateqarnerinik pissuteqarpat.

*Imm. 2.* Ilinniagaqarnersiuteqartitaanermut piffissarisap iluani kinguaattoorneq pisimassaaq.

Ilinniagaqartup ilinniarnerni kinguaattoornerinut qiortartakkaat qaammatit amerlaqatigai.

**§ 46.** Ilinniagaqartoq qiortagassat pinngitsoornissaanik qinigaqarsinnaavoq, takuuk § 76. Qiortagassat pinngitsoornissaat killissarititamik imaluunniit piffissamik tapiissuteqarfimmik allan-nguinnermik nassataqassanngillat. Qiortagassat pinngitsuugassatut qinikkaat kingusinnerusukku qaammammut ataatsimut qiortartakkanik amerlanernik ilusilerlugit tunniunneqarsinnaanngillat.

## Kapitali 4

*Illusisimaneq, akiliunneqarluni angalasarnerit, pisattanik assartuisarneq, immikkut ilinniartitaaneq aamma nakorsartinnermi aningaasartuutit*

### *Illusisimaneq*

**§ 47.** Ilinniarnertup aallartinneranut, unitsinneranut imaluunniit naammassinneranut atatillugu tamanna pillugu qinnuteqarnermi pissutsit immikkut illuinnartut atuutsillugit ilinniagaqartup illusisimanermut sap. akunneri pingasut tikillugit aningaasartuutit tamakkiisumik imaluunniit ilaannakortumik akilersissinnaavai, tassunga ilanngullugit:

1) Angallannermi pissutsit tunngavigalugit illusisimasoqartariaqarpat, imaluunniit

2) ilinniartup nammineq inissarsionnera, imaluunniit ineqartuaannarnera imaluunniit allatut illusisimaneq pissutsinik ilinniartup pisuussutiginnigisaanik pissuteqartumik iluatsissimanngippat.

*Imm. 2.* Aningaasartuutinut ullunut ataasiakkaanut ullormut 70 kr.-nit sinnerlugit

annertussuseqartunuinnaq akiliussisoqarsinnaavoq. Aningaasartuutit akiliussutaasut ilinniarnermi taarsigassarsianut Nunatta karsianit aningaasaliiffigineqartunngortinneqassapput, taamatullu ilinniagaqarnersiutit pillugit Inatsisartut peqqussutaanni kapitali 4-mi aamma 5-imi maleruagassatut aalajangiussat naapertorlugit ernialersorlugillu utertillugit akilersorneqassallutik.

**§ 48.** Ilinniagaqartut Kalaallit Nunaanni ilinniarnermi kollegiami najugaqarfiup akiata assinganik illusisimanermut matussutissanik tapiiffigineqassapput, tamatumani ilinniarfimmiiqqat qaammatit arfinillit inorlugit sivisussuseqarpat, aammalu:

1) Ilinniagaqartoq kollegiami illusisimatinneqarluni imaluunniit Ilinniagaqarnersiuteqarnermut Naalakkersuisoqarfiup innersuutigisaanut inissinneqarluni.

2) Ilinniagaqartoq namminersuutigisanik inoqutigiinnik pilersuisuuppat, najugaqarnermik

uppernarsaammik aamma attartuinnermik isumaqatigiisummik akuerisamik, piginneqatigiiffimmit uppernarsaammik imaluunniit piginnittuunermik uppernarsaammik uppernarsateqaruni.

*Akiliunneqarluni angalasarnerit*

**§ 49.** Ukununga atatillugu angalanernut akiliussisoqarsinnaavoq:

- 1) §§ 51-52 naapertorlugit ilinniagaqarnerup aallartinnerani, unitsinnerani, unitsinneqarallannerani naammassineraniluunniit.
- 2) Ilinnianngiffeqarnermi, takuuk § 53.
- 3) Aasaanerani ilinnianngiffeqarnermi, takukkit §§ 52-55.
- 4) Juullimut ilinnianngiffeqarnermi, takuuk § 56.
- 5) Ilinniakkamut attuumassuteqartumut ornigassamut il.il., takuuk § 57.
- 6) Nunani tamalaani ilinniagaqartut paarlaasseqatigiinnerinut, takuuk § 58.
- 7) Napparsimasoqarnermi toqusoqarnermiluunniit, takuuk § 59.

*Imm. 2.* Angalanermik akiliussisoqassanngilaq ilinniagaqartoq suliffimmini suliuunnaarluni imaluunniit suliffissamini sulilissalluni sulisitsisup akiligassaanik angalassappat.

**§ 50.** Pisortatigut angallassinermut periarfissat sapinngisamik akikinnerpaat utertitsissutaasinnaasullu atorineqarneranni bilitsimut angalatillunilu uninngasariaqarnerni aningaasartuutitut tamakkiisumik matussutissat akiliunneqarluni angalanernut ilaapput, taamaattorli takuuk § 51, imm. 1, oqaaseqatigiit siulliit. Bilitsinik utertinneqarsinnaanngitsunik atuinnigitoqarsimatillugu, ilinniarnermut taarsigassarsisitsisoqarsinnaavoq, tak. § 66, imm., bilitsinik taartissamik pisinissamut. Ilinniarnermut taarsigassarsiat ernialersorneqarlutillu akilernerqassapput Inatsisartut ilinniagaqarnerisutit pillugit peqqusutaanni kapitalini 4-mi aamma 5-mi maleruagassat malillugit.

*Imm. 2.* Aqqummik allamik angalasoqarsimappat pisortat angallassisinnaanermik akuerisaannut akikinnerpaamut aningaasartuutit killigalugit matussusiiisoqassaaq. Aqqummut pisortat angallassisinnaanermik akuerisaannik angallassisinnaaneq periarfissanngippat angalanertut akikinnerpaatut periarfissaasumut aningaasartuutit qaffasinnerpaaffigisinnaasaannik matussusiiisoqassaaq.

*Imm. 3.* Bilitsinik allannguinnerni aningaasartuutit annertuseriaatigisinnaasaat matussuserneqassanngillat.

*Imm. 4.* Taxarnermi, timmisartoqarfiup bussiitut aamma timmisartoqarfimmut qimuttuitsunut aningaasartuutit matussuserneqarsinnaanngillat.

**§ 51.** Ilinniagaqarnissap aallartinneranut atatillugu aalajangersimasumik angerlarsimaffimmiit illoqarfimmut ilinniarfiusussamut naleqqiullugu timmisartoqarfimmut, umiarsualivimmut imaluunniit qimuttuitsut unittarfiannut qaninnerpaamut pisortat akuerisaannik angallassiviusutut utertitsiviusinnaasoq akikinnerpaaq atorlugu angalanermut akiliussisoqassaaq, taamaattorli takuuk § 50, imm. 4. Bachelor'itut ilinniartitaanermik, imaluunniit ilinniakkamut nangitsiviusumik, piarersarfiusumik ilinniareernerup, ilinniarnertuunngorniarluni ilassutitut ilinniareernerup naammassineranut imaluunniit bachelor'itut ilinniartitaanermik naammassisaqareernerup sivitsuutigisaanik aallartitsinnermi Kalaallit Nunaanni aalajangersimasumik kingullertut angerlarsimaffigisap aamma illoqarfiup ilinniarfiusup qaninnerpaamik timmisartoqarfiata, umiarsualiviata imaluunniit qimuttuitsut unittarfiata akornanni aqqummut akiliunneqarluni angalasoqassaaq pisattalik assartuinertaqanngitsumik, naak ilinniagaqartoq illoqarfimmi ilinniarfimmini aalajangersimasumik angerlarsimaffeqaannaraluartoq, taamaattorli takuuk § 50, imm. 4. Unitsitsinnermi, unitsitsigallarnermi imaluunniit naammassinninnermi ilinniagaqarnerup



aallartinnera sioqqullugu Kalaallit Nunaanni kingullermik aalajangersimasumik angerlarsimaffiup aamma illoqarfimmut ilinniartfiusumut naleqqiullugu timmisartoqarfup, umiarsualiviup imaluunniit qimuttuitsut unittarfiata qaninnerpaap akornanni angalanermut akiliussisoqassaaq, taamaattorli takuuk § 50, imm. 4. Angalanissaaq atorneqareersimassaaq unitsitserernerup imaluunniit naammassinninnereernerup kingorna ukioq ataaseq qaangiutsinnagu.

*Imm. 2.* Ilinniartitaanerup aqqissuussaanerata pisariaqartippagu, aammalu ilitersuisumit nikinnissaaq akuerineqartillugu assigiinngitsuni ilinniartfinnerit, atuarfimmiinnerit aammalu ilinniarnermut atatillugu suliffimmi sungiusarnerit akornanni angalanermut akiliussisoqassaaq.

*Imm. 3.* Ilinniagaqarnersiuteqarnermut Naalakkersuisoqarfik imm. 1, oqaaseqatigiit pingajuannit immikkut akuersissuteqarsinnaavoq pissutsit immikkut ittut atuuppata, tassunga ilanngullugu ilinniakkap naammassineranut imaluunniit unitsinneranut atatillugu angerlamut aallalinneginnermi ilinniagaqartup illoqarfimmi uterfiginiakkatut qinnutigisami suliffittaarsimanera uppersarneraqarsinnaappat.

**§ 52.** Ilinniarnerup aallartinneranut, unitsinneranut, unitsikkallarneranut imaluunniit naammassineranut atatillugu ilinniagaqartumut angalanermik akiliussisoqartillugu meeqqanut 18-it inorlugit ukiulinnut angalanermut akiliussisoqarsinnaavoq, taamaattorli takuuk imm. 5, tamatumani

- 1) meeraq ilinniagaqartumi najugaqartillugu,
- 2) meeraq ilinniagaqartup nammineq qitornarippagu, imaluunniit ilinniagaqartup aapparisaata qitornarippagu, takuuk § 7,
- 3) ilinniartitaaneq imaluunniit ilinniartfinnerluunniit qammatit qulit sinnerlugit sivissuseqarpat, aamma
- 4) ilaqutariinnut naammaginartumik inissisoqarneranik meeqqamullu paaqqinniffusinnaasumik pissarsisimanermik uppersaasoqarsinnaappat.

*Imm. 2.* Ilinniartitaaneq ilinniartfinnerluunniit Kalaallit Nunaanni ingerlanneqartoq qaammatinit qulinit sivikinneruppat meeqqanut ukioqanngitsuniit 17-it ilanngullugit ukiulinnut akiliussilluni angalatitsisoqarsinnaavoq imm. 1, nr. 1, 2 aamma 4-mi piumasaqaatit eqquutsinneqarnerisigut. Taamatuttaaq meeqqat arfinilinniit 17-it ilanngullugit ukiullit akiliunneqarlutik angalanissaannut ilinniartfup tigutiffiusup ilitersuisuata akuersinissaanik piumasaqaataavoq.

*Imm. 3.* Ilinniartitaaneq ilinniartfinnerluunniit Kalaallit Nunaata avataani, tassunga Danmarki ilanngullugu, pisoq qaammatinit qulinit sivikinneruppat meeqqat angalanermut akiliunneqarsinnaanngillat. Ilinniagaqarnersiuteqarnermut Naalakkersuisoqarfik tamanna pillugu, pissutsit immikkut ittut atuutsillugit immikkut akuersissuteqarsinnaavoq, tassunga ilanngullugu meeqqap ukioqassusiata (0-6-inik ukioqarnerata), inissaqarnikkut atugarisat aamma meeqqamik paaqqinnittoqarsinnaanerani atugarisat pisariaqartippassuk.

*Imm. 4.* Ilinniagaqartup aapparisaq, takuuk § 7, angalanermut akiliunneqassaaq ilinniagaqartup meeraata akiliunneqarluni angalanissaa imm. 1 najoqqutaralugu akuerineqarsimappat.

*Imm. 5.* Ilinniagaqarnerup naammassineranut, unitsinneqarneranut imaluunniit unitsikkallarneraneranut atatillugu ilinniartfimmut meeqqat nassarneqartut, ilinniarnerrullu naammassinerani imaluunniit unitsinnerani 18-inik ukioqalereersimasut angalanermut akiliunneqassapput.

**§ 53.** Ilinniangiffeqarallarnermi, tassunga ilanngullugu naartunermi ernereernermilu ilinniangiffeqarallarnermi angalanermut akiliussisoqassaaq:

- 1) Ilinniangiffeqarallarneq ilinniartfimmit allakkatigut aningaasaliissutigineqarsimappat,
- 2) ilinniangiffeqarallarneq qaammatit pingasut sinnerlugit sivissuseqarpat,
- 3) ilinniangiffeqarallarnerup aallartinneraniit qaammatip ataatsip iluani angalaneeq aallartinneqarpat,

aamma

4) ilinniagarisap aallarteqqinnissaa siusinnerpaamik qaammammik ataatsimik sioqqullugu illoqarfimmut ilinniagaqarfusumut utimut angalaneq aallartinneqarpat.

**§ 54.** Aasami ilinniannigiffeqarnermut atatillugu siumut utimullu angalanermut illoqarfiup ilinniarfigisap aammalu nammineq qitornarisat Kalaallit Nunaanni aalajangersimasumik najugaasa akornanni imaluunniit ilinniagaqartup angajoqqaarisalluunniit kingullermik Kalaallit Nunaanni aalajangersimasumik najugaasa akornanni akiliunneqarluni angalanissamut akiliussisoqarsinnaavoq. Tamannali atuutinngilaq ilinniagaqarneq ukiumi pineqartumi decembarip aallaqqaataa nallertinnagu naammassineqassappat. Utimut angalanissaq kingusinnerpaamik pissaaq ilinniagaqarnerup aallartinnissaanut atatillugu.

*Imm. 2.* Imm. 1 naapertorlugu akiliunneqarluni angalaneq Kalaallit Nunaanni najugaqarfissamut allamut angalanertut pisinnaavoq kingullermik aalajangersimasumik najugarisamut angalanermut aningaasartuutit ornitassamut aningaasartuutissat qaangersimanngippatigit.

*Imm. 3.* Imm. 1 aamma 2 naapertorlugit siumut utimullu angalatitsisoqartassaaq meeqqanut 18-it inorlugit ukiulinnut ilinniagaqartumilu najugalinnut ilinniagaqartullu pilersuisussaaffigisaanut.

*Imm. 4.* Bilitsit kingusinnerpaamik 1. april nallertinnagu inniminnerneqassapput. Kingusinnerusukkut inniminniinnermi aningaasartuutit annertuseriaatigisinnaasaat matussuserneqassanngillat.

**§ 55.** Aasaanerani ilinniannigiffeqarnermi akiliunneqarluni siumut utimullu angalanissaq, takuuk § 54, juallimut tulluuttumut kinguartinneqarsinnaavoq. Angalanissamut taassumunga aasaanerani ilinniannikkallarnermut atatillugu qaavatigit aningaasartuutaasimasinnaasut matussuserneqassanngillat. Kinguartitsiumanermik nalunaarut ilitersuisumut apuunneqarsimassaaq kingusinnerpaamik ulloq 1. april, taamaatorli takuuk imm. 2.

*Imm. 2.* Imm. 1-imi, oqaaseqatigiit pingajuanni piffissaq killissarititaasoq lærling´inut inuussutissarsitutunut tunngaviusumik ilinniartitaanerni ilinniartunut atuutinngilaq, tamatumani iliniarfiup nammineq aalajangersinnaammagu siumut utimullu angalanissamut atatillugu akiliunneqarluni angalasinnaanerup qaquguklut atorineqarsinnaanissaa.

*Imm. 3.* Ilinniagaqartut ilinniaqqinnissamut piareersaataasumik naammassininnerminnut, iliniarnertuunngorniarluni ilassutitut ilinniarnermut imaluunniit bachelor´itut ilinniarnermut atatillugu Kalaallit Nunaanni aalajangersimasumik kingullertut angerlarsimaffigisamut akiliunneqarlutik angalasinnaatitaasut, tak. § 51, imm. 1, oqaaseqatigiit pingajuat, aammalu Kalaallit Nunaanni aalajangersimasumik kingullertut angerlarsimaffigisap illoqarfimmut ilinniarfusumut naleqqiullugu timmisartoqarfiup, umiarsualiviup imaluunniit qimuttuitsut unittarfiata qaninnerpaap akornanni angalanermut akiliunneqarsinnaatitaasut ilinniarnerminnik naammassisaminnut atatillugu ilinniarnermik nutaamik ingerlaqqillutik sivitsuisut, tak. § 51, imm. 1, oqaaseqatigiit aappaat, angalanernik pineqartunik allatut nuussisinnaapput imm. 1 malillugu siumut-utimullu angalanissanngorlugu. Allatut nuussiumalluni nalunaaruteqarnissaq pisassaaq siumut-utimullu angalanissaq kingusinnerpaamik qaammatit 3-t sioqqullugit.

**§ 56.** Ilinniagaqartumut, qitornanut najugaqatiginngisaminut angajoqqaatut oqartussaassuseqartumut, meeqqat arlaata Kalaallit Nunaanni najugaata aalajangersimasup illoqarfullu ilinniarfigisap akornanni juallimut siumut utimullu angalatitsisoqarsinnaavoq. Tamannali atuutissanngilaq ilinniagaqartup meeraq ilinniagaqarfusumut ukiumi ilinniarfusumi tassani ilagisimappagu, imaluunniit ilinniagaqartup ilinniarnini ukiup qaammatisiutai malillugit ukiup tulliani 1. marts nallertinnagu naammassissappagu.

*Imm. 2.* Meeqqat, aappaasoq pinnagu, takuuk § 7, illoqarfimmut ilinniarfigisamut ilagineqarsimappata

ilinniagaqartoq meeqqallu siumut utimullu angalanissamut akiliunneqassapput aappaasoq aamma meeqqat ilaannut ataatsimut angajoqqaatut oqartussaassuseqarpat. Illoqarfiup ilinniarfigisap aammalu aappaasup aalajangersimasumik Kalaallit Nunaanni najugaata akornanni siumut utimullu angalanermut akiliussisoqassaaq.

*Imm. 3.* Illoqarfik ilinniarfigisap Kalaallit Nunaanniippat imm. 2 malillugu angalanermut taarsiullugu aappaasoq inooqataasorluunniit meeqqallu ilinniartup angajoqqaatut oqartussaaffigisai illoqarfimmut ilinniarfigisamut siumut utimullu angalanissamut akiliunneqarsinnaapput. Imm. 2 naapertorlugu angalanermut akiliunneqarsinnaasumut naleqqiullugu aningaasartuutit annertuseriaatigisinnaasaat matussuserneqassanngillat.

*Imm. 4.* Illoqarfik ilinniarfigisap Kalaallit Nunaata avataaniippat, tassunga Danmarki ilan-ngullugu, imm. 2 malillugu angalanermut taarsiullugu aappaasoq inooqataasorluunniit meeqqallu ilinniartup angajoqqaatut oqartussaaffigisai illoqarfimmut ilinniarfigisamut siumut utimullu angalanissamut akiliunneqarsinnaapput, ilinniagaqarnermi pissutsit immikkut ittut tassani atuuppata, tassunga ilanngullugit soraarummeernerit aamma immikkut sammisamik suliaqarneq. Imm. 2 naapertorlugu angalanermut akiliunneqarsinnaasumut naleqqiullugu aningaasartuutit annertunerulersimappata matussuserneqassanngillat.

*Imm. 5.* Illoqarfimmi ilinniarfimmiinneq qaammatinit qulinit sivikinneruppat imm. 1-4 malillugit angalanermut akiliussisoqarsinnaanngilaq.

*Imm. 6.* Bilitsit kingusinnerpaamik 1. oktober inniminnerneqassapput. Kingusinnerusukkut inniminniisoqarneratigut aningaasartuutaanerusinnaasut matussuserneqassanngillat.

**§ 57.** Ilitersuisumit inassuteqartoqareerneratigut Ilinniagaqarnerisuteqarnermut Naalakkersuisoqarfik aalajangiisinnaavoq Kalaallit Nunaata avataani, Danmarki ilanngullugu, ilinniagaqartup angalanernut aningaasartuutigisariagaanut aammalu akunninnermut aningaasartuutigisariagaanut tamakkiisumik matussusiisoqarnissaanik, ilanngullugu akunninnermut aningaasartuutissanut tapiissutissat annertussusissaanik aalajangiisinnaalluni aammalu malitassanik aalajangersaasinnaalluni, assersuutigalugu nammineq akiliuteqartarnissamik makkununga atatillugu:

- 1) Pinngitsoorani naammassisassanik immikkut sammisanik qaffasinnerusumillu ilinniarnerni pingaarnerusunik naammassisassanik suliarinninnermi.
- 2) Ilinniagassanut tunngasunik suliaqarluni qaammammit ataatsimit sivisunerusumik suliamik sungiusarfimmiinnerni.
- 3) Ilinniagassanut tunngasunik suliaqarluni ilinniarfimmi allamiinnermi.
- 4) Ilinniaqalernissamut pinngitsoorani misilitsittusaaanermi.

*Imm. 2.* Angalaneq sapinngisamik aqqissuunneqassaaq aasaanerani ilinnianngikkallarnermut imaluunniit juullimut ilinnianngikkallarnermut atatillugu akiliunneqarluni angalanissamut atasumik, takukkit §§ 54 aamma 55.

**§ 58.** Qaammatit arfinillit sinnerlugit sivissuseqartumik Kalaallit Nunaata Danmarkillu avataanni paasisassarsiornerit ilinniartitaanermut attuumassuteqanngitsut nunallu tamalaat ilinniartunik paarlaasseqatigiissitsisarnernut suliniaqatigiiffinit aqqissuunneqartunut atatillugu Kalaallit Nunaanni aalajangersimasumik najugarisap nunamilu allami ornigassap akornanni siumut utimullu akiliussisoqartassaaq.

*Imm. 2.* Københavnip nunamilu allami ornigassap akornanni angalanermut aningaasartuutit § 52-imi maleruagassatut aalajangersakkat naapertorlugit aningaasartuutigisimasanut uppersaammik takutitsinikkut utertinneqarsinnaapput.

*Imm. 3.* Ilinniagaqartup ilaqutaani qaniginerusaani napparsimaruluttoqartillugu toqusoqartilluguluunniit angalaneq allanit matussuserneqanngippat § 50-imi maleruagassat aalajangersarneqartut naapertorlugit siumut utimullu angalanermut akiliussisoqartassaaq, taamaattorli taamaallaat Københavnimiit pineqartup ilaqutaasa qaninnerit najugaqarfiannut.

**§ 59.** Ilinniagaqartup ilaqutaani qaniginerpaasaani napparsimaruluttoqartillugu toqusoqartilluguluunniit ilinniagaqartumut taassumalu meeraanut, ilinniagaqartumi najugaqarpata, angalanermut aningaasartuutit allanit matuneqarsimatinnagit akiliussilluni angalatitsisoqassaaq. Akiliussilluni angalatitsisoqassaaq illoqarfiup ilinniarfusup qaniginerpaasallu pineqartup najugaata akornanni siumut utimullu angalanertut.

*Imm. 2.* Aallarnissaaq sioqqullugu nakorsap nalunaarutaatigut uppersarneqassaaq nappaat ima peruluutaatigisoq ilaqutaasut pisarnertut aggersarneqarlutik. Toqusoqarnera toqusup toquneranik uppersaaitut allagartap assigisaataluunniit nuutinneranik uppersarneqassaaq.

#### *Pisattanik assartuisarneq*

**§ 60.** Ilinniagaqarnerup aallartinneranut, unitsinneranut imaluunniit naammassinneranut atatillugu angalanermut akiliussisoqarnissaa akuersissutigineqarsimagaangat akiliussisoqarsinnaavoq, tamaattorli takuuk § 51, imm. 1, oqaaseqatigiit aappaat. Ilinniagaqartunut Kalaallit Nunaata aamma Danmarkip avataanni ilinniartitaanernut ilinniagaqarnerisutisianik aningaasaliiffigineqartunut pisattanik assartuinissamut akiliussisoqarsinnaanngilaq.

*Imm. 2.* Pisattanik akiliunneqarluni assartuisitsisoqarsinnaavoq, taamaattorli takukkit imm. -imi oqaaseqatigiit aappaat pingajuallu:

1) Ilinniagaqartunut meeqqat pineqartut angalanermut akiliunneqarnissaannik aningaasaliiffigineqartillugit ilinniarfimiittunut imaluunniit sungiusarluni suliffimiittunut qaammatinit arfinilinnit sivilisunerusumik.

2) Ilinniagaqartunut aappariinnut angalaqatigiittunut ilinniartup aappaanut, takuuk § 7, ilinniarnissaaq qaammatinik 24-nik sivilisunerusussatut naatsorsutigineqarpat, pisattat angallannerannut akiliussisoqarsinnaavoq.

3) Qaammatinit 24-nit sivilisunerusumik atamaannartumik ilinniareerluni angerlarnermi ilinniartumut pisattanik assartuinnermut akiliussisoqarsinnaavoq.

4) Pisattat ornigassamut angallanneqarnerannut akiliussisoqarsimatillugu, takukkit nr. 2 aamma 3.

**§ 61.** Usinik umiarsuarmik angallassinermut akiliussinermi pineqartut tassaapput containerit iluminni 6m<sup>3</sup> -tut annertussusillit imaluunniit nassiussatut 6 m<sup>3</sup>-itut initutigisut angallanneqarnerat sillimmaserneqarnerallu ilanngullugit, nassiussat ataatsit 100.000 kr.-it tikillugit sillimmasersimasut.

*Imm. 2.* Pisuni immikkut ittuni umiarsuartigut angallassinissaaq ajornartillugu toqqortarinnikkallartitsinnermut aningaasartuutinik matussusiisoqarsinnaavoq.

*Imm. 3.* Ilinniagaqartut Kalaallit Nunaannit allamukartut Kalaallit Nunaaliartulluunniit nassatanut akiliunneqarneranni puuiaaneq poortuinnerlu aningaasaliinnermut ilanngunneqartarput.

*Imm. 4.* Ilinniagaqartut aappariit, takuuk § 7, isortoqatigiimmik angalasussat annerpaamik containerimut ataatsimut nassiussanulluunniit 6 m<sup>3</sup>-isut initutigisut akiliunneqarsinnaapput. Aappariit tamarmik ilinniakkanik tamarmik immikkut qaammatit 24-t sinnerlugit sivilisussuseqartuni ilinniagaqarsimappata containerit marluk imaluunniit nassiussat katillugit 12 m<sup>3</sup>-isut initutigisut akiliunneqarsinnaapput.

*Imm. 5.* Ilinniagaqartut pingasunik imaluunniit amerlanernik meeraqartut containerit marluk imaluunniit nassiussanut katillugit 12 m<sup>3</sup>-isut initussuseqartunut akiliunneqarsinnaapput.

**§ 62.** Nassatanut akiliussisoqartillugu, taamaattorli umiarsuartigut assartuinissaq ajornartillugu, angalanermut akiliunneqartumut ataatsimut naammaginartumik uppersaasiinikkut ilinniarnernup aallartinnerani, unitsinnerani naammassineraniluuniit timmisartukkut nassatanut 10 kg angullugu oqimaappallaarutaasunut aningaasartuutit utertinneqarsinnaapput. Ilinniagaqarnerup naanissaanut qaammatit arfiniliinnanngornissaat tikillugu nassiussanut akiliunneqarsinnaatitaaneq pigineqassaaq.

**§ 63.** Pisattanik assartuinnermut akiliussisoqassanngilaq ilinniagaqartoq suliffimmini suliuinnaarluni imaluuniit suliffissamini sulilissalluni sulisitsisup akiligassarisaanik pigisanik angallassissappat.

*Immikkut ilinniartitaaneq aamma nakorsartinnermut aningaasartuutit*

**§ 64.** Kalaallit Nunaata avataani, tassunga Danmarki ilanngullugu, ilinniartitaanernut tamakkiisumik matussusiisoqartassaaq kalaallit oqaasiinik ilinniartitsinermi immikkullu ilinniartitsinermi pisariaqartumi peqataanermut aningaasartuutitut. Immikkut ilinniartitaanissamik pisariaqartitsineq ilinniarfimmi ilitersuisup inassuteqaataanik uppersaaserneqartassaaq.

**§ 65.** Kalaallit Nunaata avataani, tassunga Danmarki ilanngullugu, ilinniagaqartut uppersaaserneqartumik anigorsinnaanngisaminnik nappaateqaraangata nakorsaatinut immikkut ittumik aningaasartuutaat matussuserneqassapput.

*Imm. 2.* Kalaallit Nunaata avataani, ilanngullugu Danmarkimi, ilinniagaqartut nakorsamit innersuunneqartumik katsorsarneqarnermut aningaasartuutaat matussuserneqassapput.

*Imm. 3.* Kalaallit Nunaata avataani ilinniagaqartut, ilanngullugu Danmarkimi, pisariaqartumik kigutininik suliarititsisariaqaleriataarneranni aningaasartuutitut tamakkiisumik matussusiisoqartassaaq taamatut suliaritinneq Ilinniagaqarnerisuteqarnermut Naalakkersuisoqarfimmit akuerineqarpat.

*Imm. 4.* Imm. 1-3 malillugit taamaallaat aningaasartuutitut matussusiisoqassaaq aningaasartuutit ilaannut pisortanit oqartussaasunit allanit imaluunniit sillimmasiisarnermik aqqissuussiffiusunit akilerneqanngitsunut.

## Kapitali 5

*Ilinniarnermi taarsigassarsiat Nunatta karsianit aningaasalersorneqartut*

**§ 66.** Taamaallaat taarsigassarsitsisoqarsinnaavoq ilinniagaqartunut kapitali 2-mi 3-milu piumasaqaatinik naammassinissimasunut 18-inillu ukioqalereersimasunut. Ilinniagaqarnermi taarsigassarsiat ilinniartitaanernup nalaani ataasiaannartumik ukiup affakkaartumillu semester'imut taarsigassarsiat tunniunneqartarput, taamaattorli takukkit §§ 67 aamma 68. Ataasiaannartumik taarsigassarsiat annertussusissaat ukiumoortumillu taarsigassarsiat amerlanerpaaffissaat Inatsisartut aningaasanut inatsisaanni takuneqarsinnaapput.

*Imm. 2.* Semester'imut taarsigassarsiat upernaami semester'imut ukiamilu semester'imut taarsigassarsiarineqartarput. Upernaami semester'i piffimmut 1. januaarimit 31. juuli tikillugu aammalu ukiami semester'i 1. aggustimit 31. decembari tikillugu naatsorsuutigineqartarput. Semester'imut taarsigassarsiat semester'ip pineqartup naanerani tamakkiisumik atorineqarsimanngitsut ileqqaarneqarsinnaanngillat imaluunniit kingusinnerusukkut semester'inut nuunneqarsinnaannatik.

*Imm. 3.* Ataasiaannartumik allanik taarsigassarsitsisoqassanngilaq pissutsit immikkut illuinnartut pissutaatillugit ilinniakkap allamik taarserneratigut imaluunniit ilinniakkamik allamik aallartitsinermi, tamatumani ilaallutik nuunnermut aningaasartuutigisanut aammalu inissiamut aallaqqaatitut akiliutitut.

*Imm. 4.* Ilinniagaqarnermi taarsigassarsisoqassaaq akiitsunut allagartaliussaq

Ilinniagaqarnersiuteqarnermut Naalakkersuisoqarfimmit akuerineqartoq atsiorneqarpat. Ilinniagaqarneq aallartinneqareerpat akiitsunullu allagartaq Ilinniagaqarnersiuteqarnermut Naalakkersuisoqarfimmit tiguneqareerpat ilinniagaqarnermi taarsigassarsiat aatsaat tunniunneqarsinnaapput.

**§ 67.** Ilinniakkat 1. marts imaluunniit 1. oktober sioqqullugit naammassineqartut semester´imi pineqartumi taarsigassarsinissamut pisinnaatitaaffeqanngillat.

**§ 68.** Ilinniagaqartunut Kalaallit Nunaanni ilinniaqqinnissamut piareersartunut imaluunniit inuutissarsiutinu tunngaviusumik ilinniagaqartunut ilinniarnermi taarsigassarsitsisoqarsinnaanngilaq, taamaattorli takuuk imm. 4 aamma § 50, imm. 1, oqaaseqatigiit aappaat.

*Imm. 2.* 18-ileereersimallutik Kalaallit Nunaata avataani, tassunga Danmarki ilanngullugu, ilinniagaqarnissamut piareersaataasumik imaluunniit inuutissarsiutinu tunngaviusumik ilinniagaqartunut ataatsikkut tigusassanik taarsigassarsitsisoqarsinnaavoq.

*Imm. 3.* Ilinniagaqartunut ilinniarnermi taarsigassarsitsisoqarsinnaanngilaq ilinniareernerup kingorna ilinniagaqarnermi akiitsugarilikkat ima amerlatigilersimassappata taarsersornissaat ajornartorsiutaalertussatut nalilerneqarlutik. Naliliinermi ilaatigut makku mianerineqassapput:

1) Ilinniareernermi naatsorsuutigisatut aningaasarsiat inissisimaffiannut naleqqiullugu akiitsugarisat amerlassusaat.

2) Ilinniagaqartup ilinniarnermi taarsigassarsiaminik naafferartumik akilersornissaasa qanoq sivilutiginissaata naatsorsuutigina.

3) Ilinniagaqarnermi taarsigassarsiat pillugit naafferartumik akilersuineramik aaqqissuussinermik ilinniagaqartoq siusinnerusukkut ingasattumik ilaginnaasimanersoq.

*Imm. 4.* Ilinniagaqarnersiuteqarnermut Naalakkersuisoqarfik imm. 1-imit immikkut akuerinnissinnaavoq pissutsit immikkut illuinnartut atuunnerini, tassunga ilanngullugu ilinniarnertuunngorniarluni ilinniarni piareersarfittut neqeroorutaasuni Ilinniagaqarnersiuteqarnermut Naalakkersuisoqarfimmit tapiissuteqarfusinnaasutut akuerisaasuni ilinniagaqartut aallarniinermi aningaasartuutit uppersarnerneqartut matussusernerinut.

**§ 69.** Ilinniagaqarnersiutit pillugit Inatsisartut peqqussutaanni kapitalini 4-mi aamma 5-imi maleruagassat naapertorlugit ilinniagaqarnermi taarsigassarsiat ernialerneqarlutillu akilersorneqassapput.

## Kapitali 6

*Uninngatitsigallarneq, nalimmassarineq, utertitsineq, ernialersuineq aamma taarsigassarsiat utertillugit akilersorneri*

**§ 70.** Ilinniagaqarnersiutit pillugit Inatsisartut peqqussutaanni kapitali 7-imi maleruagassat naapertorlugit Ilinniagaqarnersiuteqarnermut Naalakkersuisoqarfik ilinniagaqarnersiutinik uninngatitsigallarsinnaallunilu akiligassat/pisassat ilanngullugit nalimmassarisinnaavoq.

**§ 71.** Ilinniagaqartoq ilinniarnerni unitsitsinermut atatillugu pissutaasut pillugit ilitsersuisumut allakkatigut nalunaaruteqassaaq. Ilinniagaqartoq unitsitsinermut pissutaasunik ilitsersuisumut allakkatigut nalunaaruteqarsimanngippat Ilinniagaqarnersiuteqarnermut Naalakkersuisoqarfup ilinniagaqarnersiutit utertinnissaannik piumasaqaateqarsinnaavoq.

*Imm. 2.* Ilinniagaqarnersiutit siunertamut aningaasaliiffiusumit pisussaaffiginngisamik tiguneqarsimappata imaluunniit atorneqarsimanngippata Ilinniagaqarnersiuteqarnermut Naalakkersuisoqarfup ilinniagaqarnersiutit utertinnissaannik piumasaqaateqarsinnaavoq.

*Imm. 3.* Ilinniagaqarnersiuteqarnermut Naalakkersuisoqarfik ilinniagaqarnersiutit utertinnissaannik

piumasaqaateqarsinnaavoq, tamatumani ilinniagaqartup ilinniarnera ima sivilutigilersimappat ilinniagaqarneq aallartinneqavissimasutut nalilernerqarsinnaanani, aammalu unitsitsineq naammaginaratumik tunngavilersorneqarsinnaanngippat.

*Imm. 4.* Kommunalbestyrelsi kommunimi Piareersarfimmi ilinniartunut atatillugu aningaasanik ikiorsiissutaannik annikillilerisinnaavoq, takuuk imm. 5, tamatumani pineqartoq aalajangersimasumik atuartinneqarfiusussanut imaluunnit sungiusarluni suliffiusunut, ilinniarfiup akuerisimanngisaanik orniguttanngippat imaluunniit kingusinaarluni orniguttarpat.

*Imm. 5.* Aningaasanik ikiorsiissutinik imm. 4 malillugu annikillilerineq, takuuk § 27, imm. 1, nr.2, naatsorsorneqassaaq qaammammut agguaqatigiissillugu nal. akunneri 173.3-it tunngavigalugit, nalimmassarlugit ilinniagaqarnersiutit nalinginut. Tiimimut nalinga taamaalilluni naatsorsorneqassaaq.

**§ 72.** Ilinniagaqarnersiutit pillugit Inatsisartut peqqussutaanni kapitali 6-imi maleruagassat naapertorlugit ilinniagaqarnersiutit akuerisaanngitsumik pineqarsimasut ernialersorlugillu kingumut akilersorneqassapput.

## Kapitali 7

### *Aqutsineq naammagittaalliornerlu*

**§ 73.** Kalaallit Nunaanni ilinniakkamut ilinniagaqarnersiuteqarnissamillu qinnuteqarneq Ilinniagaqarnersiuteqarnermut Naalakkersuisoqarfiup akuerisaatigut qinnuteqarnissamut immersuiffiliaq atorlugu tunniunneqassaaq. Ilinniagaqarnersiuteqarnermut Naalakkersuisoqarfiup ilinniagaqarnersiuteqarnissamik qinnuteqaatit suliarineqarnissaat pillugu suleriutsit aalajangersassavai, taakkulu tamanut saqqummiunneqassapput "[www.sunngu.gl](http://www.sunngu.gl)" aqqutigalugu. Immikkut akuerineqarnissamik qinnuteqaatit Ilinniagaqarnersiuteqarnermut Naalakkersuisoqarfimmut nassiunneqassapput.

*Imm. 2.* Ilinniagaqarnersiuteqalernissamik qinnuteqaatit qaqugukkut tunniunneqareersimanissaat pillugit piffissaliussassat Ilinniagaqarnersiuteqarnermut Naalakkersuisoqarfiup aalajangersarsinnaavai.

*Imm. 3.* Kommunini Piareersarfinni ilinniagaqarnernut atatillugu ilinniagaqarnersiuteqarnissamik qinnuteqaatit kommunalbestyrelsimit aqunneqarput angusassat pillugit isumaqatigiissutit tunngavigalugit; isumaqatigiissutigineqartartut Namminersornerullutik Oqartussat aamma kommunalbestyrelsip pineqartup akornanni.

*Imm. 4.* Ilinniagaqarnersiuteqarnermut Naalakkersuisoqarfiup kommunini Piareersarfinni ilinniartut ilinniagaqarnersiuteqarsinnaasut amerlassusissaat ukiut tamaasa aalajangersartarpai. Ukiumut tulliuttumut amerlassutsit aalajangiussat kommunalbestyrelsimut pineqartumut ukiut tamaasa nalunaarutigineqartassapput oktoobarip qaammataa naatinngu.

*Imm. 5.* Kommunalbestyrelsi imm. 3 malillugu qinnuteqaatit pillugit aalajangiisarpoq. Ilinniagaqarnersiutit kommunalbestyrelsimit akiliutigineqartassapput, taakkulu akiliussigallarnertut kingorna matussuserneqartassapput Ilinniagaqarnersiuteqarnermut Naalakkersuisoqarfimmit.

**§ 74.** Ilinniakkanut qiortartakkanut ilaanngitsunut aningaasatigut qaammatikkaartumik ikiorsiissutit meeqqanullu tapisiat naatsorsorneqartarput. Ilinniagaqarnerup aallartinnerani, naammassinnerani, unitsinnerani aamma unitsikkallarnerani aningaasat ikiorsiissutit meeqqanullu tapisiat ilinniarfigisamut ullukkaarlugit naatsorsorneqartarput. Ullormik aallarteqqiffimmik naatsorsuinnermi pisariaqartitanik piffissat angalaffit najugaqarfillu mianerineqarsinnaapput. Ilinniarfiup sungiusarlunilu suliffiup akornanni paarlaassinnermi atuarfimiinnermi ullut ilinniartitsiffiusut ataasiakkaarlugit aningaasat ikiorsiissutit

naatsorsorneqartarput.

*Imm. 2.* Tamatumunnga qinnuteqaatip tiguneranit ullormit aallartittumit aningaasat ikiorsiissutit meeqqanullu tapit tunniunneqartarput. Meeraq tapisiaqarfiup nalaani inunngorpat meeqqanut tapisiat piffissamit inunngorfusumit tunniunneqassapput ilinniagaqartoq meeqqanut tapisiat pillugit qinnuteqaammik piffissamit inunngorfusumit qaammatit marluk qaangiutinnginnerini nassitsisimappat.

*Imm. 3.* Aningaasat ikiorsiissutit meeqqanullu tapisiat qaammatit naanerini kingumoortumik tunniunneqartarput, qaammammiillu tapisiaqarnissamik qinnuteqaatip tiguneqarfianit siusinnerpaamik aallartissinnaallutik, aammalu apeqqutaatinneqarluni nalunaarummi tapisiaqarnissamut piumasaqaatinik ilinniagaqartup eqquutsisinera.

*Imm. 4.* Ilinniagaqartup piffissamit ilinniagaqarunnaarfigisaanit taamaalillunilu tapiissutisinissamik pisinnaatitaaffeerunneranit aningaasat ikiorsiissutit meeqqanullu tapisiat tunniunneqarunnaassapput, takuuk § 24, imm. 1. Ilinniagaqartup piffissami ilinniagaqaqqilerfianit akiliisarneq aallarteqqinneqassaaq.

*Imm. 5.* Ilinniagaqartup takkutinngitsoornerata malitsigisaanik aningaasat ikiorsiissutit aamma meeqqanut tapisiat annertussusaannik annikillisaasoqarsinnaanngilaq. Tamanna pillugu erseqqissakkamik ilinniakkani aalajangersimasuni Ilinniagaqarnerisuteqarnermut Naalakkersuisoqarfik immikkut ittumik akuersissuteqarsinnaavoq. Ilinniakkanut sunut tamanna atuuttuunersoq "www.sunngu.gl"-imi tamanut saqqummiunneqartarpoq.

**§ 75.** Ilinniakkanut qiortartakkamut ilaasunut qaammatit ilivitsukkaarlugit qiortartakkat naatsorsorneqartarput.

*Imm. 2.* Ilinniagaqartoq ilinniartitaanermi aallartininnerani ilinniagaqartuunerullu nalaani qiortartakkanik pisinnaatinneqassaaq ilinniagaqartoq qaammatip akiliiffiusussap ulluisa 15-iat killigalugu ilinniagaqalersuusimaguni. Ilinniagaqartoq ilinniartitaanerup aallartininnerani ilinniagaqalernera qaammatip akiliiffiusussap ulluisa 15-iat qaangiutereersoq ilinniagaqalersuusimaguni allakkatigut qinnuteqaateqarnermigut qiortartakkani ataatsimik siuartitsivigisinnaavaa, taannalu ilutigalugu killissarititaasunit ilinniagaqarnerisuteqarfusinnaasumiillu ilanngaatigineqassalluni. Ilinniagaqartoq ilinniagaqarnerminik aallartitsinerminut naammassinninnerminullu atatillugu ilinniagaqartuusimanerani aalajangiiniarnermi naatsorsuutigineqassapput piffissat angalaffullutillu akunniffiusarsimasut, ilanngullugit ilitersorneqarnermik akuerisaasunik ingerlassat.

*Imm. 3.* Qiortartakkat qaammatit naanerini akilerneqartarput, tapiissuteqarfiginissarlu pillugu qinnuteqaammik qaammammi tigusiiffimmit aallartinneqartarlutik, aammalu apeqqutaatinneqarluni nalunaarut malillugu ilinniagaqarnerisuteqarsinnaanissamut piumasaqaatinik ilinniagaqartup eqquutsisinera. Taamaattoq meeqqanut tapiissutit ernereerup nalaanit tunniunneqarsinnaalertarput, tamatumani ilinniartoq ernereerermi kingorna kingusinnerpaamik qaammatit marluk qaangiutinnginneranni allakkatigut taamatut qinnuteqaateqarpat meeqqamut tapiissutisiaqarnissamik.

*Imm. 4.* Ilinniagaqartup piffissamit ilinniagaqarunnaarfigisaanit taamaalillunilu ilinniagaqarnerisuteqarnissamik pisinnaatitaaffeerunneranit qiortartakkat tunniunneqartarunnaassapput, takuuk § 24, imm. 1. Piffissaq taanna qaammammi ullut 15-iisa kingornaniippat qiortartakkanik akiliisarneq qaammammut tullinnguuttumut atuutsinneqassaaq. Ilinniagaqartup piffissami ilinniagaqaqqilerfianit qiortartakkanik akiliisarneq aallarteqqinneqassaaq. Piffissaq taanna qaammammi ullut 15-iisa kingornaniippat qaammatip tullianiit qiortartakkanik akiliisoqaqqittalissaaq.

*Imm. 5.* Ilinniagaqartup takkutinngitsoornerata malitsigisaanik aningaasat ikiorsiissutit aamma meeqqanut tapisiat annertussusaannik, qiortartap annertussuseqataanik, annikillisaasoqarsinnaanngilaq.



**§ 76.** Ukiuni tapiissuteqarfiusuni tamani qaammammut ataatsimut arlalinnulluunniit qiortartakkaq iluani avataaniluunniit tapiissutisisarunnaarnissamik ilinniagaqartoq qinigaqarsinnaavoq. Ilinniagaqarnersiutit pillugit qinnuteqaangitsoorneq tapiissutisisarunnaarnermik qinigaqarnermut assingutinneqarpoq. Ilinniagaqartoq qaammatini aalajangersimasumik taanagit amerlassusilinni ilinniagaqarnersiutininik tapiissutisisarunnaarnissamik qinigaqarsimanngippat, pineqartumut ilinniagaqarnersiuteqartitsisinnaaleqqinnissamut tunngavissaritinneqassaaq ilinniagaqarnersiuteqaqqilernissamik nutaamik qinnuteqarsimanissaq.

*Imm. 2.* Ilinniagaqarnersiutininik tapiissutisisarunnaarnissamik qinigaqarneq pillugu qinnuteqaat siunnersuisartumut qaammammi akiliiffimmi kingusinnerpaamik ullut 15-ianni tunniunneqarsimassaaq. Ilinniagaqarnersiuteqartarnerup ingerlateqqinneqalernissaat pillugit qinnuteqaat siunnersuisartumut qaammammi akiliiffimmi kingusinnerpaamik ullut 15-ianni tunniunneqarsimassaaq.

**§ 77.** Ilinniagaqarnersiutininik tunniussaarneq pillugu aalajangiinerit aalajangiinerup ullua sap. akunnerinik arfinilinnik sioqqutsilluni Ilinniagaqarnersiuteqarnermut Naalakkersuisoqarfirmut allakkatigut nassiunneqarsinnaaput, takuuk ilinniagaqarnersiutit pillugit Inatsisartut peqqussutaanni § 30, imm. 1. Naammagittaalliteqarnissamut killigititami Ilinniagaqarnersiuteqarnermut Naalakkersuisoqarfik immikkut ittumik akuersissuteqarsinnaavoq, pissutsit immikkut ittut atuunnerini, tassalu:

- 1) Silap qanoq issusianik pissutsit imaluunniit allakkerinermik kinguaattoortitsisunik pissutsit pissutigalugit naammagittaalliut kinguaattoortumik takkussimappat.
- 2) Naammagittaalliteqarnissamut killigititap tungaanut piffissami sivilisunerusumi ilinniagaqartoq nappaateqarsimappat.

## Kapitali 8

*Atortuulersitsinermut, ikaarsaariarnermut aamma atorunnaarsitsinermut aalajangersakkat*

**§ 78.** Nalunaarut 1. april 2008 atuutilerpoq. Ilutigalugu, ilinniagaqarnersiutit pillugit nalunaarut nr. 18, 7. juli 2005-imeersoq atorunnaarsinneqarpoq.

**§ 79.** Ilinniagaqartut Namminersornerullutik Oqartussanit ilinniagaqarnersiuteqarlutik 1. august 2005 sioqqullugu qaffasinnerusumik ilinniagaqarsimasut tassunga killissarititami ilinniakkap naammassisap kingulliup ilinniarfiginissaanik sivilisussusiata assinganik qiortartakkanik ilanngaavigineqassapput, taamaattoorli takuuk imm. 4. Ilinniagaqarneq bachelor´inngornissamut aamma kandidat´inngornissamut immikkoortoqartoq ilinniagaqarnertut ataatsit matumani isigineqassaaq. Ilinniagaqartoq Namminersornerullutik Oqartussanit ilinniagaqarnersiuteqarluni 1. august 2005-imi qaffasinnerusumik ilinniagaqarnermik aallartitsisimappat, ilinniakkamut naammassisamut killissarititami qiortartakkanik ilanngaavigineqassanngilaq.

*Imm. 2.* Ilinniagaqartut Namminersornerullutik Oqartussanit ilinniagaqarnersiuteqarlutik 1. august 2005 sioqqullugu qaffasinnerusumik ilinniagaqarnermik unitsitsisimasut killissarititami qiortartakkanik ilanngaavigineqassanngillat. Qaffasinnerusumik ilinniagaqartoq 1. august 2005-imi kingusinnerusukkuluunniit aallartitaanut naleqqiullugu ilinniakkami unitsissimasamini piginnaaffeqarfinnik pissarsisimappat ilinniakkap aallartinnerani piffissami tapiissuteqarfiusumi killissarititamilu qiortartakkanik ilinniakkami pineqartumi piginnaaffeqarfinnik pissarsiffiusunut qaammatinut aalajangersimasunut ilanngaasoqassaaq.

*Imm. 3.* Ilinniagaqartut Namminersornerullutik Oqartussanit ilinniagaqarnersiuteqarlutik 1. august 2005-imi qaffasinnerusumik ilinniagaqartuusut killissarititami ilinniakkap maannakkut inissisimaffiani

ilinniartiginissaanik sivisussusiata assinganik qiertartakkanik ilanngaavigineqassapput, taamaattorli takuuk imm. 4. Ilinniagaqarneq bachelor´inngornissamut aamma kandidat´inngornissamut immikkoortoqartoq ilinniagaqarnertut ataatsit matumani isigineqassaaq. Tamanna ilutigalugu ilinniakkami ingerlanneqartumi piffissaq ikiorsiissuteqarfusoq sivitsorneqassaaq, aningaasanik ikiorsiissuteqarfusup ilinniagaqarnerullu sivisussutsimikkut inissisimaffiisa akornanni qaammatit amerlassusiisa assigiinngissutaannik qiertartagassat amerlassusilerlugit. Piffissamut sivisussusissatut inissisimaffimmut ilinniagaqarnerup maannakkut inissisimaffia siuarsimaneruppat ilinniagaqartup ilinniarnermi nalaani aningaasanik ikiorsiissutisiaqarsimanera qaammatit amerlassusiannut assingutillugit killissarititami qiertartagassat tunniunneqassapput, taamaattorli takuuk imm. 4, taamaalineranilu piffissaq ilinniagaqarnerisuteqarfusoq allannguuteqassanngilaq.

*Imm. 4.* Ilinniagaqartut ilinniarnermik nalaani piffissami ilinniagaqarnerisuteqarnerminni 1. august 2005 sioqqullugu meerartaarsimasut tamatuma nassatarisaanik killissarititami qiugassanik aqqaneq-marlunnik aammalu piffissami tapiissuteqarfusumi meeqqanut tamanut tunineqassapput. Tamanna taamaallaat atuutissaaq ilinniagaqartup 1. august 2005 ilanngullugu meeraq inooqatigisimappagu, aammalu tamatumunga ilinniagaqarnerisutit pillugit Namminersornerullutik Oqartussat nalunaarutaanni nr. 3, 6. februar 1998-imeersumi § 19, imm. 1 malilluguaalajangersakkat naapertorlugit ilinniagaqarnermik malinnaasimaguni. Tamatuma kingornatigut ilinniagaqartup ilinniarnini unitsippagu killissarititami ilassuteqarfimmi atugaanngitsut assinginik qiugassat ilanngaavigineqassapput.

**§ 80.** Ilinniagaqartut Namminersornerullutik Oqartussanit ilinniagaqarnerisuteqarlutik 1. august 2005 sioqqullugu qaffasinnerusumik ilinniagaqartut angalanernut killissarititami nalinginnaasumik angalanernut qiertartakkanik marlunnik ilanngaavigineqassapput. Ilinniagaqartoq qaffasinnerusumik ilinniakkamik Namminersornerullutik Oqartussanit ilinniagaqarnerisuteqarfusumik 1. august ingerlataqarpat angalanissamut killissarititami ilinniakkamut naammassisamut qiugassanik ilanngaateqartoqassanngilaq.

*Imm. 2.* Ilinniagaqartut Namminersornerullutik Oqartussanit ilinniagaqarnerisuteqarlutik 1. august 2005 sioqqullugu qaffasinnerusumik ilinniagaqarnermik unitsitsisimasut angalanernut killissarititami qiertartanik ilanngaavigineqassanngillat.

*Imm. 3.* Namminersornerullutik Oqartussanit ilinniagaqarnerisuteqarlutik 1. august 2005-imi killigalugu qaffasinnerusumik ilinniagaqartut angalanernut killissarititami nalinginnaasumik angalanernut qiertartakkamik ataatsimik ilanngaavigineqassapput.

**§ 81.** Aalajangersakkat maannamut atuuttut malillugit qularnaveeqqusiissuteqarnermi pisussaaffiit atuuffissamik naanissaata tungaanut atuutiinnassapput piumasarisaasut allanngortinnagit.

*Imm. 2.* Qularnaveeqqusiissuteqarnermi pisussaaffiit 1. januar 1997 sioqqullugu akilerneqartut aalajangersakkat maannamut atuuttut malillugit ernialersorneqassapput.

*Imm. 3.* Qularnaveeqqusiissuteqarnermi pisussaaffiit 1. januar 1997 kingoqqullugu akilerneqartut akiliinerup kingorna ullormit aallartittumit ernialersorneqalissapput. Sukkulluunniit akiitsuusut ukiumoortumik ernialersorneqassapput pisortat sukkulluunniit diskontoata 5%-imik ilasap angeqataanik ernialersorlugit. Ernialiineq ukiut tamaasa 31. december piffissamiluunniit ilinniagaqartup akiitsunik akiliinerani pisassaaq.

**§ 82.** § 14, imm. 1 aamma 2 atuutsinneqanngillat ilinniagaqartunut 1. januar 1994 sioqqullugu tiguneqarsimasunut.

*Namminersornerullutik Oqartussat, ulloq 27. marts 2008.*

Siverth K. Heilmann

/

Bent A. Sørensen

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut